

玄冲集序

仁

現總目



2025/08/08 NATIONAL CENTRAL LIBRARY, TAIWAN, R.O.C.



梁玄冲先生集序



曩余以附驥南宮從玄冲梁
公遊授余詩一帙曰覆瓿此
公捐館舍而其子孺醇以全
集觀余益以詩曰蚤鳴俱公



所自命也及語錄家秉宗議
漸次付剞劂氏且請余弁其
簡經云詩言志志動而成詩
詩必肖其志公之志坦易故
其辭直而不鉤棘真率故其

辭顯而不艱晦亢爽故其辭
健而不萎藹誦其詩志則可
尚也窺其志詩則可咏也如
徒辭之工而已春風得意豈
非佳語錦江滑膩句則登壇



君子奚取焉志無足取也竊
嘗疑鄭衛之詩似非今解果
爾奔者之口吻先聖列之風
雅中令經生學士朝誦夕吟
何也其以為戒乎崔氏傳本

聲調詎不鏗麗世之大儒胡
不採錄余蓋目談詩而謬議
焉至於語錄之作尤足激志
如云孝者人之所以生如云
乘人之危者不仁利人之有



者不義忘人之德者不祥宿
人之怨者不廣如去通晝夜
渾魂魄而如一乃為至人昌
言疊疊精神如在家乘上述
息光下彰先德忠君孝先之志

藹然可掬宗議則十二儒紳
為之立子子果敬承寶其馨
歎繼志之大已露一斑吁嗟
衝人以言言可違也衝人以
志志不可瘦也誦若人之言

者尚勿忘若人之志哉雖然
志生於心者也有其心有其
志無其心而冀其志是無土
而望毛也孺醇問學於有道
之門執經辨志匪旦暮矣余
故與之論志而原之於心歎
其自認取焉或亦公詒毅之
志乎

安邑曹于汴撰

玄冲梁先生集叙

玄冲梁先生為懷慶守時余叨
鄒陵令長因河界南北各有分
屬歆見之未得無何而先生歸
矣余亦解組而還岐下數年後



TIFFEN Color Control Patches



而先生為古人矣今春初訪馮
少墟先生於長安相與論學而
少墟之高足弟子則有玄冲先
生之子孺醇在為其人和遊而
白學非止翩翩之佳公子而遊

有道之門墻其所得自不同於
凡流矣余將竹乃出其玄冲先
生之集視之又託余作一言以
叙之其詩則覆瓿吟蚊鳴集乃
自謙退之言也又有語錄一編



多警戒之譚嗚呼先生吾不得
而見之而獨見其詩與語如此
亦幸矣孺醇歎付梨束而傳之
永久夫詩多七言近體清潤和
雅音調鏗鏘綽有風人之致其

語錄多切近人情關係脩齊非
炎炎靡靡之漫語然詩家諸體
具備措篇什所傳獨如此耳又
秘其文而不傳彙畧一嚮味可
知矣語錄則多名言而亦僅如



此然咏之有調而玩之有致即
不多自傳也若徒多而無當於
理雖如海涵山藪亦何益乎孺
醇能刻而傳之則其孝思足多
矣

天啓元年七月之七岐陽張舜
與頓首拜撰



彙刻梁玄冲先生集叙

夫簪裾而多田間之趣弓裘
而亟手澤之存兩者世恒艷
羨之然傳與繼相待也而孝
之息永與文之行遠又相得



而章益未易易云乃令長安
則有玄冲梁公少負甚奇學
益閑肆誦法餘暇兼修班馬
李杜之業舉孝廉成進士試
吏展士元之足解呂虔之佩

濟黃霸之治平行奉

璽書徵拜顧雅好閒曠戀慈
闈下至除補未幾又去覃懷
歸而課耕於城南近墅築圃
種花與二三故交杯酒過從



文
年
集
序
八
別

譚說玄理昔有喩詠并曩官
游所存稿若覆瓿若蚊鳴若
語錄自殺青以貽孳孫故尺
幅不必合剗剗不必工也憶
公狂平水余適承乏貳晉陽

數以簿書會會必譚及斯業
往馳騁子長孟堅之間而
尤喜翰林之飄逸工部之沉
鬱各窺其大凡晚益深自晦
匿杜門謝客而還諸靜默其



所得可知矣既捐館又冇子
師孟苦由中閑家礪行如恐
墮越痛少定亟問學於諸名
公君子謂事賢交仁古之訓
也玄冲公有後哉至是復出

笥中諸本謁余青門之廬請
曰先大夫所著撰幸存若此
思其久也而或泯沒也將彙
爲編以孟之不才辱在函丈
願一言先大夫且不朽余曰



維公自是以傳而子夏游方
道君子之門用能弗朽其親
余安所庸於言竊念古今作
者斷鬚嘔心而藻繪徒工無
當也握珠藏山而弓裘弗振

弗傳也余觀茲編語無奇語
以範俗言無多言以寫心使
登作者之堂便欲相眎而咲
豈其徒工於藻繪乃一念孝
惠直欲傳諸久永載稽

玄中集序
恩誥以章

天寵述誌銘以延世德抑何其
翩翩弓裘令學邪余未知班
馬李杜諸公後為伊似知子
刺成將令長安紙資安所庸

於言雖然夫苦幽而克念及
此則夫慎行其身以勿羞有
遺君子以贈玄冲公令名可
以槩見其思永其行遠其傳
與繼兩得哉可語孝也已矣



玄冲公亦可以弗朽也已矣
即余言亦若此焉已矣君學
觀於斯集而後乃知余言果
勿庸也
昔

大明龍飛天啓元季歲在重光
作噩如月上浣吉

通家邵田田父劉養性孟直

拜手撰



梁玄冲先生集序

當玄冲先生守貳河東余則
以堯封令共事晉陽時執掌
簿書良苦暇輒相與談詩文
疊疊夜分不亦倦先生既卒

THE NATIONAL CENTRAL LIBRARY, TAIWAN, R.O.C.



家嗣孺醇錄所作付剞劂謂
余宜有言余惟大塊之氣之
噫之也而之刀刀之調調矣
寧私鑿拂也叩柯即宮羽自
韻是則天籟詩若文人籟哉

而天也三百篇之變為建安
黃初正始至永明齊梁風雅
頌遂不復彷彿少陵金翅摩
海爰集大成稱中興烏殆隻
千古無兩

國朝獻吉德涵諸君子後先嗣
響與濟南太倉旗鼓相當皆
吾秦產也母之惟是沈澹清
泚為地肺張表瀆宗噴薄而
獨會其全歟先生憲章少陵

不入大曆以後窠臼隨事因
物惟所揮洒氣象雅渾風度
颯翮意中有景格外有神或
時為古文詞片言居要勸畫
與情無一字襲人牙慧李康



而在當為首肯所謂歲黷駁
運定於自然豈區區章句
餽憂釜叩甕之為賴也者故
曰天也先正有言詩以識為
主文以氣為主先王大識力

憑正氣而行批導如神於蜀
蜀治於齊齊治於晉於中州
即晉中州又治借第令當弼
直寄政事埤蓋甚篤隼夾介
建明豈復在古鼎臣下而褒



袁操赫號搗翰以自愉快為
少陵獻吉德涵百代殊絕人
物仕皆不登兩府以成三不
朽之一由今撥昔同符感慨
夫秦有先生而秦益重與先

生所以重于秦曾謂一二千
石能發抒生平者其言曰輕
軒冕而飄然於名利之外焉
性而不自得夫如是立德立
功孰能踰之改吾道刀調之



鳴耶集為詩二曰履執吟曰
致鳴集皆素所自命名次之
者為語錄家乘其附以宗議
則縉紳以公故公言之先生
志也

賜進士第文林郎奉

勅巡按浙江福建等處貴州道
監察御史闡中後學崔爾進

撰



梁玄冲先生集總目

仁集

貞字曹先生序

心虞張先生序

邵田劉先生序

抑菴崔先生序



REPRODUCED BY NATIONAL CENTRAL LIBRARY, TAIWAN, R.O.C.



梁玄冲先生集總目

義集

覆瓿吟引

五言律

八首

五言排律

一首

七言律

六十三首



歌行 一 首

梁玄冲先生集總目

禮集

蚊鳴集引

七言律 一百二十首



梁玄冲先生集總目

智集

語錄引

語錄 三十一款

REPRODUCED BY NATIONAL CENTRAL LIBRARY, TAIWAN, R.O.C.



梁玄冲先生集總目

信集

誥命

行狀

壙述

墓誌銘



宗議

祭文

2025 RELEASE UNDER THE EARLY RELEASE PROGRAM



BUKAR MUSEUM NA-NOSOL CENTRAL LIBRARY, TAMAN, P.O.C



© 2009 INDIAN NATIONAL CENTRAL LIBRARY, TIRUPATI R.G.O.



覆
瓿
吟

義

今在館中時日甚速
慮歎百有比習舉子業遂無不

3465-B v.2



覆瓿吟引

余自齠童時即喜誦唐人詩無
慮數百首比習舉子業遂噤不
談已領鄉書偕計往來燕趙韓
衛之墟間口占稿尋散逸至壬



辰歲博第遊巴字蠶叢之區以
奪冗濩不暇幸挂謫籍如蒲坂
曉姑射之山量移涉東海抹雲
門之頂投散吏隱故態濩作或
矚景寫懷寄答知交迺獲有斯
集而以災之木猶之轂音在擊
然詎堪與彩鳳洪鍾較鳴絜響
也與哉祗足備竄執云俞故名
之曰竄執吟

萬曆辛丑孟春上浣之吉



關中玄冲梁陰吉識



覆瓿吟卷之一目錄

五言律

泓芝驛用李郡尊辟間韻二首

冷泉次文宗吳道尊辟間韻

春日馮薦吾明府邀飲盡權卽席

賦謝



都門三月迷懷四首

五言排律 一首

題周益我世德卷

覆瓿吟卷之一目錄終

覆瓿吟卷之一

關中梁隆吉勝之著

○五言律

泓芝驛用李郡尊壁間韻二首

匹馬來之郡愀然意未寬
風塵猶道路筋力近衰殘
蹠受心元切尚平事可完

TIFFEN Color Control Patches

Blue Cyan Green Yellow Red Magenta White Black

更嫌薑桂性勉赴折腰官

晝長愁溽暑亭榭納涼飈人事看棋局
宦情付酌醪不須嗟祿命且自溷煩囂
眠食無營慮獨憐辨字勞

冷泉次文宗吳道尊壁間韻

溽暑憐官况長途叱馭過山高雲逐馬
雨歇水添河瀑布懸岷急夕陽返照多
愁看雙鬢短便欲臥藤蘿

春日馮薦吾明府邀飲畫惟卽席賦

謝

春色薰蕪滿芳辰正在斯開筵窮水陸
接轄款交知潦倒仍呼酒躊躇強賦詩

覆
牽車門外久歸去意遲遲

都門三月述懷

三月鶯花晚功名念已違兼程憐道路
候補憶漁磯貢禹彈冠悞王尊叱馭非
他鄉風景異終日只言歸

其二

多年山谷僻在世出塵凡總欲超三界
非干畏一函刁騷從短髮耕作任長鏡
慵懶多衰態無心補舊衙

其三

終日栖茅衡一朝棄耦耕挂帆春水濶
冒險梗萍輕非敢辭新組只宜守舊盟



邇來魂夢隔總是故鄉情

其四

玄修非語惟偃仰任吾真海內雖多士
世間有幾人清幽原本性樛散自關身
野鶴終難繫飄然出世塵

○五言排律

題周益我世德堂卷

湘水何澶漫楚雲護

帝鄉拾人良偉卓福德信延長冠蓋聳
門第簪纓接廟廊躬畊時檢括搦管自
琳瑯色養依親舍摧傷感鷹行伏鹽憐
跼踏遊刃藹甘棠佐邑文無害鋤奸劔



有霜箕裘聯舊業
彩綬縮新章
花滿河陽曲
名高漢水傍
龔黃應媿美
騰跨有諸郎

覆瓿吟卷之一終

覆瓿吟卷之二

○七言律

六十三首

蒲陽早發

謁裴趙二公祠

倚氏道中

送李任宇之蒙自



有霜箕裘聯舊業
彩綬縮新章
花滿河陽曲
名高漢水傍
龔黃應媿美
騰跨有諸郎

覆瓿吟卷之一終

覆瓿吟卷之二

○七言律

六十三首

蒲陽早發

謁裴趙二公祠

倚氏道中

送李任宇之蒙自



壽張郡伯年丈二律

別壽峰王孫

別蒲陽諸僚友

送夏貳車之金陵

贈孫憶劬太守

飲襄垣王孫文岡園卽席賦贈
過潯玄象南年丈留酌賦謝

過硤石口占

獲嘉道中值雨

過衛輝有感

過濬黃兩縣見茅屋砂田感而賦此

過臨清漫賦

過會仙山 山在鄒平縣



濰縣早發

楊誠齋招飲駝山漫賦

中秋同二府答年丈司理陳明老劉

克老省闈賞月漫賦二首

同二府答年丈觀趵突泉漫賦

贈楊誠齋鄉丈二首

送楊誠齋鄉丈之京營

贈劉司理克旣寅丈考績

贈司理周益旣

寄懷二府鳴岡張年丈

贈南琴臺九十翁

公諱玄有得

贈許道人

道人家懷慶幼習琴子業

贈蔡廣文

贈如泉張泗州

吊孟貞烈

貞烈，蕭人。夫死，投井。二幼女從死。鄉人爲祠祀之。余

哀其志爲

賦二律

輓怡慕溪年丈四首

衝泥宿蒙城宵雨不休次早仍冒雨

行

蒙城道中

靈石道中二首

寓省值賈繼菴年丈初度之辰賦賀

司理葉致吾鄉丈考績榮封寄賀

夏日辱李郡尊招飲池亭時夜雨忽



來賦此呈謝

浴蘭日奉枉李郡尊池亭小酌

靈石公署次胡葵南先生壁間韻

和李郡尊候馬壁間韻

和李郡尊浴佛日池亭共酌之作

謁媽皇廟有祈

長治閣年丈以書見遺寄謝

鹽臺曾公述行旋軫忽報鹽花盛生

賦此志喜

霍州候迎鹽臺口占

鹽臺曾公尊人以覃恩榮封賦呈二

律



秋 日 隨 李 郡 尊 遊 龍 祠 漫 賦

壽 守 道 林 公 二 尊 人 壽 皆 七 十 有 四
李 郡 尊 母 太 夫 人 壽 踰 古 稀 賦 此 奉

贈

李 郡 尊 轉 山 西 憲 臬 賦 此 以 賀

和 李 郡 尊 池 亭 小 酌

懷 李 郡 尊 却 寄

仲 冬 河 皆 堅 冰 惟 井 陘 泉 流 汨 汨 感
而 賦 之

○ 歌 行

周 益 我 考 績



覆瓿吟卷之二目錄終

覆瓿吟卷之二

關中梁隆吉勝之著

○七言律

蒲陽早發

星河黯澹度孤城
隱見山峰一望平
魯薄浮名羞叱馭
將因消渴問歸程
宦情



雞肋終堪棄世路羊腸那可行三徑年
來荒蕪甚不如高臥掩柴荆

謁裴趙二公祠

兩公相業光唐宋祠宇嵯峨凍水陰拂
曙穿林間燕語抱城隔岬聽龍吟青苔
綠蘚含風久古柏蒼槐閱歲深瞻拜忽
思當日事英雄異代使人欽

猗氏道中

我欲衝宵飛皂盖却因薄暮滯長空雲
含霹靂皆爲雨塵擁山巒半是風剛道
行厨迷傳舍忽憐霽色上房櫳時荒無
柰徵徭急安得傾盆慰歲豐

送李任宇之蒙自

飛鳥聞君意自權長途此去慰加餐
憐才共下劉蕢淚努力猶彈貢禹冠
行裡錦山迎皂蓋到來洱海漾清瀾
他年報政還驄馬世事應須一笑看

壽張郡伯年丈二律

青鳥翩躚天外來大夫初度綺筵開
山

當姑射雲爲蓋入自滄溟海作杯
六月霽添饒氣色千家恩遍盡春臺
應知壽國晴無已仙吏何妨歲月催

千秋曼倩飲天和領郡年來鬢未皤
姑射雲鸞新綰綬綬燕臺駿馬舊鳴珂
霽添海屋年齡茂麥秀漁陽惠政多
我亦風



雲曾附翼飛騰無奈故人何

別壽峰王孫

桐封伯仲大名齊一劍秋風悵獨凄
君自高山誇莫比誰當暮夜埒關西
杯搖鸚鵡看龍化身傍鏡牛過虎溪
入眼丹青俱不朽黃河只尺聽鳴鷄

別蒲陽諸僚友

幾年傲吏厭浮名何事新衙下
帝京祇爲倚閭趨子舍那堪岐路澹交
情望中華嶽三峰近曲裡黃河一水盈
驛使梅花應折取可能無意寄山城
送夏貳車之金陵

武陵才子故名流，借寇平河幾度秋。
文藻詞人應辟易，循良父老自遮留。
鐘山花發時驅馬，姑射雲橫有去舟。
况是遙來銜知遇，臨岐悵望淚難收。

贈孫憶劬太守

卿才鄴下久稱雄，五馬騰驤莫止鳴。
君自褰帷懽蒞屋，人從賣劍事耘耕。
天連條嶽千峰起，水傍城闔一鑑明。
解阜不須誇往事，孫陽原自有賢聲。

飲襄垣王孫文岡園邸席賦贈

王孫亭榭勝蓬萊，此日邀懽佳宴開。
海錯山鮮供饌具，商流羽激亂歌杯。
簷前



徒倚星文散檻外
留連畫角催潦倒欲
拚今夕醉不知何處是天台

過渭玄象兩年丈留酌賦謝

風塵偶喜故人招
把酒相看氣色饒
老我一官猶道路
羨君八座自雲霄
萍分渭水春將暮
劍指駝山雪未消
懷抱不

妨今日盡那堪轉盼是河橋

過硤石口占

硤石何來尚借行
寒峰哀壑綠羅輕
千盤已犯垂堂戒
五斗應慙叱馭情
皎月清風如伴侶
隣翁野老可班荆
青齊海岱還來徃
誰信吾兼吏隱名

獲嘉道中值雨

本擬買山學智隱漫隨人世一遨遊
片雲忽送千山雨群馬逢衝十里流
向夕酒盃惟擊柝到來途路失鳴騶
可憐懷抱同誰盡官舍蕭條動客愁

過衛輝有感

王家宮殿鬱嵯峨玩世還從此地過
葉竹當年留氣象剪桐今日有山河
九重恩近權偏重八省途衝客故多
回首秦關思更遠幾年歸夢落漁簑

過濬黃兩縣見多茅屋砂田感而賦

此



卷之三
封疆一入便茫然草舍相連太古前
喜里中存厚俗休嫌郭外盡砂田琴堂
日未民希訟花縣風清賦幾篇
寂羨兩公聞問好未容慕爾滯高賢

過臨清漫賦

驅車今日到臨清風物依然似

帝京雉堞排空雲裡出帆檣閃日鏡中
行水通青海蓬萊近賦入司農禁關成
賈誼抱憂心獨遠感時徒自嘆平生

過會仙山

山在鄒平縣

野色蒼蒼日欲脯漫詢古蹟一嗟吁天
邊疊嶂山常在洞裡仙人事有無
羈蹟

藪
多年慚短髮驅車此日憚長途已將流
電看人世願理扁舟泛五湖

灘縣早發

濃霧輕寒襲客衣風塵猶自傍巖扉
寨帷但覺擁呼近倚劍空憐樹色微
海上蓬萊千古夢山中鹿豕十年違
浮名久

厭人間世安得幡然遂所依

楊誠齋招飲駝山漫賦

千盤危磴歷山扉野色蒼茫照翠微
峭壁風含喧澗壑宵燈人擁散星輝
一時頴上情俱洽十日平原意不違
寂是壯遊堪盡興笙歌鳥道夜深歸

中秋同二府咎年丈司理陳朋老劉
克老省閣賞月漫賦二首

何來值此團圓會共倒金尊玩月華影
絢桂宮分五彩光搖海畔印千家關雲
縹緲思偏亂秋夜迢迢興轉賒便欲御
風臨月窟獨提星斗泛仙槎

誰期歷下德星聚晝日狂歌意未休粧
點太平時把酒憑陵古蹟憶登樓乾坤
物候三生夢海岱蟾光八月秋拋眼遽
堪成陳蹟書生何必慕封侯

同二府咎年丈觀酌突泉漫賦

飛蓋何當汗漫行懷高猶欲聽泉聲噴



來霄漢珠齊落湧向樓臺玉亂鳴白雪
調成人已去青山興到劍堪橫衣冠帶
我難投筆擬結溪邊鷗鷺盟

贈楊誠齋鄉丈二首

將軍分闕擁旄旌飛騎傳聞善戰名
插羽欲窺黃石略枕戈猶見亞夫營
五戎

異域銷氛沴七萃明時剪海鯨
寄語黃龍列戍者青齊今日有干城

同鄉把臂人何少此地相逢意轉深
燈火孤尊山月夜襟期千載締袍心
英姿羨爾收時冕蹇拙憐予自陸沉
異日萍踪各飄轉可能懷舊嘆蘭金



送楊誠齋鄉丈之京營

邇來氛祲未全銷，緩急何辭去住勞。
天入燕臺看繕甲，地分海嶠憶投醪。
寒雲時傍輕裘起，烈氣應隨戰壘高。
此去燕然須勒石，不妨傲吏臥江臯。

贈劉司理克所寅丈考績

辭錢劉寵舊知名，報政今看綸綍榮。
青海刑章憐歲月，黃門霜簡遲旄旌。
杯搖五夜星文散，劍合雙龍氣色橫。
那交情依玉樹，不堪分袂駕輕輶。

贈司理周益我

羨君仕宦聖人居，六郡聲名畫不如。
滄



海提衡憑軾後里門親省夢魂餘五雲
氣繞時驅馬三殿香飄幾上疏知向清
塗皆動色可能無意問樵漁

寄懷二府鳴岡張年丈

一別張卿意黯然忽驚霄漢墜雲箋留
連常憶啣杯夜濡削時思會課年湖海

萍蹤催短髮天涯鴈足寄長篇積薪世
態休相問欲擬楊雄草太玄

贈南琴臺九十翁

公譚玄有得

羨君高臥擁蒲團湖海知幾蚤挂冠信
是漆園成吏傲非關拱墓爲衰殘山當
條麓仙人出地接峭函紫氣盤傾蓋年



來交不淺并容白眼向漁竿

贈許道人

道人家懷慶幼習舉子業

幾年物外覓丹砂老去還元不用嗟
曾向衡門憐四壁偶從天谷聚三花生涯
潦倒單懷酒公事憑陵海島霞冲舉定
乘緹嶺鶴旌陽拔宅未須誇

贈蔡廣文

絳帳傳經幾歲華雙龍合劍向天涯
深慚擊缶非同調却羨停雲自大家
振鐸未應虛虎座揮戈還許泛仙槎
雀羅世態何須問我欲青門學種瓜

贈如泉張四州



蒲陽且喜福星臨把臂相看自古今湖
海一尊憐夜月天涯雙鬢嘆蘭金黃冠
欲棄人間久紫綬終嫌歲月深觀象不
須煩太史楚雲渭水各沾襟

吊孟貞烈

貞烈蒲人夫死尋携二幼
女投井鄉人爲祠祀之余

哀其志爲
賦二律

寧因粉黛惜容姿一死還同膝下兒烈
氣不隨風露盡孤心獨許鬼神知共傳
姜婦堪齊美猶訝緹縈未是奇鸞鑑雙
珠俱沉井令人沾灑不勝悲

閨閣爭傳烈丈夫三仁慷慨止須臾風
雷驟隕天邊婺臬壤同蔽掌上珠只爲



赤繩存大節肯因紅粉負微軀祠堂伏
臘千年在一任松杉暮鳥呼

輓怡慕溪年丈四首

金鑣玉紲返天關宦海俄傳拭淚痕五
載刑章空逝水一時省署愴遊魂神交
梓里情元切手握金門誼自存麟閣勲

名今黃土小兒造化更何論

其二

古今天壽摠難期羨爾昂霄骨更奇宦
地啣杯憐意氣燕臺躍馬想追隨十年
龍劍身先死千里輜車淚暗垂無那思
情勞夢寐不妨揮涕拈新詩

其三

里門聚首人無恙一入燕臺病已侵君
自全歸還造化我從徵逐想徵音幽明
頓隔空魂夢事業凋零有枕余况是宦
成餘四壁爲伊咽哽淚難禁

其四

百年光景止須臾惟爾反真何太速生
死古今一局棋榮枯天地等蕉鹿非關
老大病侵尋只爲囂煩事奔逐已矣遊
魂不可招單懷路上有尸祝

衝泥宿蒙城宵雨不休次早仍冒雨
行



冒雨衝宵叱馭行泥途仄徑總關情向
來浙瀝簷前響此日蹣跚水上聲倦極
偏嫌歸路杳愁深忽望遠山晴飛騰欲
藉盧敖杖瞬息雲霄萬里輕

蒙城道中

風雨瀟瀟向客邊馬遲人倦幾時還雲
開流急喧長路雨歇山青落遠天總爲
泥途無接引不妨曲澗且遮暄愁來便
起歸田興空望園林不似前

靈石道中二首

靈石山中汗漫行千盤危磴拂旌旄泉
流聲響懸嵯急日照光分隔障明歲事

鶯花三月暮天涯萍梗一身輕可憐懷
抱同誰盡向晚疎鍾祗自聽
風送紅塵道路長蒼茫何處是平陽舉
頭但見千峰合叱馭時聞百和香惆悵
夢魂隔晉隴蕭條鬢髮感星霜年來欲
赴林泉約雞黍何人是范張

寓省值賈繼菴年丈初度之辰賦賀
晝長初度綺筵開青鳥踰躔天外來郡
是晉陽原善地人逢賈誼自通才籌添
喜共霓裳舞星聚惟傾琥珀盃仙吏駐
顏應久視人間甲子莫相催

司理葉致吾鄉丈考績榮封寄賀



燁燁聲華報政時
腰章綸紵雅相宜
當年清白歸劉寵
此日廷平見釋之
肺石無勞淹歲月
鶯班誰復訝旌旗
可憐恩澤沾泉壤
把酒悽然有所思

夏日辱李郡尊招飲池亭時夜雨忽
來賦此呈謝

筵開亭畔雅相宜
御李披襟景物移
風送微涼偏入座
雲携細雨故臨池
魚經新水添龍甲
柳藉滋培發嫩枝
甘澍一宵應已遍
啣盃不覺夜歸遲

浴蘭日奉枉李郡尊池亭小酌

五日邀懽意氣同
譚心促膝眼偏空
池

中荷葉擎宵雨，簷外歌聲度。晚風潦倒，
不知階上下。徜徉誰解路，西東一時供。
奉慚鷄黍，休道逢迎有醉翁。

靈石公署次胡葵南先生辟間韻

天涯留滯竟如何，無那風塵瞥眼過。躍
馬幾年空北海，驅車今日又平河。宦情

鷄肋沉淪久，世路羊腸感慨多。我亦欲
歸歸未得，合當携手入山阿。

和李郡尊侯馬辟間韻

幾迴箕坐發狂歌，祿命迤邐獨奈何。半
百年華忙裡換，一生官况夢中過。青山
東抹初觀海，紫氣西浮兩度河。負郭有



田生計足不如歸去臥烟蘿

和李郡尊浴佛日池亭共酌之作

湖海飄零春復春春光已謝又良辰
柳枝解動盃中影池沼能消物外塵
老去途窮看塞馬醉來興劇學漁綸
敢勞太史占天象劍合雙龍信有人

謁媧皇廟有祈

媧廟巍然氣象殊
樞衣瞻拜叩懸弧
風搖古木虬龍動
日抱荒丘鳥雀呼
血食千年留祀典
精英萬古照名區
卽看禱嗣真如響
煉石何須問有無

長治閭年丈以書見遺寄謝



世路積薪視事初美人修阻渺愁予生
聯梓里交非淺驥附燕堂意豈踈容鬢
刁騷幾載夢風塵迢遞數行書知君合
在雲霄上我已南山擬結廬

鹽臺曾公述行旋軫忽報鹽花盛生
賦此志喜

柏臺凜凜棲烏鴉瑞物應隨使者車漫
道藍田多白玉空傳丹鼎有朱砂瓊瑤
不藉連宵雨醞釀偏生滿沼花國課民
生俱有賴歡聲今已動千家

霍州候迎鹽臺口占

繡斧澄清擁傳勞遙瞻法座五雲高千

卷之四
峰霍色迎驄馬一帶汾流照錦袍炎月
霜寒驚草木薰風愜解駐旌旄唐虞河
洛俱堪味彩筆縱橫興轉豪

鹽臺曾公尊人以覃恩榮封賦呈二

律

按部霜飛白簡寒聲華早已動朝端驥

珠况是山巒現鳳詔何妨夾道看持斧
初爲周柱史承恩先着惠文冠須知眷
注應無已不數當年斑彩歡

燁燁明珠照翠微氤氳佳氣待雄飛卽
看攬轡搖山嶽會有覃恩下帝畿山是
羅浮原蘊藉里名冠蓋故輕肥虛疑甓

TIFFEN Color Control Patches

Blue Cyan Green Yellow Red Magenta White 3/Color Black

社湖珠異萬事從來信有幾

秋日隨李郡尊遊龍祠漫賦

龍祠結構自何年尚有遺碑姑射邊
深泉聲僦檻外依依樹色把盃前
悲秋宋玉應無着叱馭王尊祇自憐
此日郊墟堪極目不妨傲吏且留連

壽守道林公二尊人壽皆七十有四
旌旆搖搖書錦遊
遲閣靄靄瑞烟浮
天邊應有雙南極
海屋齊添二老籌
總謂承惟堪戲綵
馬知壯志欲封侯
瑤池青鳥翩躚下
共羨椿萱八百秋

李郡尊母太夫人壽踰古稀賦此奉

卷之八

贈

玉壘蟄叢有女仙人間五福自應全瑤
池果結三千歲海屋籌添八百年且喜
仙郎猶領郡漫隨青鳥數開筵不須珥
絲庭堦舞時有白雲到眼前

李郡尊轉山西憲臬賦此以賀

十載鳴珂粉署臣飛騰今見豸袍新穎
川未許羈黃霸保障直堪借寇恂秉憲
杯搖三晉月分符棠蔭萬家春驚人况
是嫺文藻不必滄波更問津

和李郡尊池亭小酌

一別雲門遠鷺洲幸隨仙吏幾相酬乾



坤叢鬢憐官柳臺榭一尊媿海榴入夜
星蟾渾似晝近人風雨却疑秋况逢佳
節須拚醉潦倒還登池上樓

懷李郡尊却寄

逢辰倚玉眼偏青倏爾分携淚自零路
轉瞿塘憐豹隱天連姑射看鴻冥一尊

雙劍知同調萬里孤槎難聚星驛使梅
花應須折泉林舊約許誰訂

仲冬河皆堅冰惟井陘泉流汨汨感
而賦之

叱馭何來向此過天寒霜落見溫河枕
山城自懸孤鎮穿徑泉猶帶遠波跋涉

興徒睛不斷浴浮鷗鷺晚還多衣冠悞
我終何補欲逞山中臥薜蘿

○歌行

周益我考績

畸人昂昂楚江濱文藻驚人若有神騰
踏飛黃千里足聲然高第更誰倫聲聞

煥耀照今古寶刀新拭向東魯鋒穎下
材避英髦乾坤鹿鹿何須數幾年蘭質
領刑名嶽秀泉澄羨餘清龍光赤驥聞
當宁報政綸音下玉京釋之不寬能有
幾我見君家名更畫卽看振鷺橫秋霜
叫徹閭闔輔屏屐駿馬風雲氣色開乘

覆瓿吟

三湘有異材
驄鞭策上燕
臺誰當口
斗符人望七
澤

覆瓿吟卷之二終



© 2003 NATIONAL CENTRAL LIBRARY, FARMAN P.O.



蚊鳴集

禮



國立中央圖書館藏



欽鳴集引

夫詩自漢魏晉唐以來其主盟
吟壇而號宗工者無慮數百家
究之感事觸景寫情述懷以抒
獨得之趣其致一而已余自登



第後之蜀之齊之晉官轍所至
感遇紛拏比家居詩酒微逐者
復大半一觸情景輒拈筆而吟
殆亦自適其適乎而暇論其詩
也譬鳥之鳴春蛩之吟秋蚊蠅

之聒耳有不知其然而然者余
之為斯集蓋亦若是焉已假謂
韻頑李何邊王而欲擅作者之
林則吾豈敢

萬曆歲在甲寅仲春上浣之吉



關中玄冲梁隆吉識



蚊鳴集目錄

平水別張五鹿寅丈

園亭見梨榴結實喜而賦之

庄樓對南山有作

除夕感賦

量移詣代州謁謝兩臺留題署中



忻口濬沱河

五月庄樓苦熱

燈夕懷抱鬱鬱感而賦此

午日運城同司理張五鹿觀野狐泉
分得公字

段青岩公祖督學關中賦贈公與余

爲同年友

別司理張五鹿寅丈幾二年所耿耿

不能去懷緣羽便爲賦一律寄訊

黃節吾鄉丈出守平陽爲賦二律贈

之

自溫峪洞暮抵曹村偶值風雨大作



憇宿

秦左相高受渠舉子賦贈

馮少墟侍御以詩箋見遺用韻和荅

馮少墟鄉丈携知已同登華山青珂

坪還因賦二律投贈

偶吟

議稅詣太原信宿城隅書舍值風雨

有作二首

梁平泉鄉丈壽登六旬春正十日乃

其誕辰爲賦一律書之箋頭投贈

五月庄樓漫賦

初夏秦舍我明府玉溪宗侯枉過留



酌賦此呈政

秦舍我明府有作見遣用韻和荅

亭畔牡丹盛開

再味牡丹

秦舍我鄉丈以詩筵見遣依韻和荅

季夏田承泉憲丈招飲郊外園亭時

值風雨而菡萏出水樹果垂垂可

愛因卽席賦贈

承泉憲丈以花果見惠賦此呈謝

袁六休年丈主考闈中邀飲夜過譚

玄時值風雨卽席賦贈

聞袁六休年丈信宿天池乘便欲之



南山覽勝因賦一律投贈

袁六休年丈竣事旋里便道浴溫泉
登華頂有作見遺因用韻和荅

庄樓瞰蒿里栢株茂盛感而賦此
庄樓味社燕

仲夏庄樓聞遠村鶯聲漫賦

陳公子鍾峩枉過留酌用韻和荅二
首

陳公子鍾峩再枉過留酌卽席賦贈
余別舊寅長孫憶幼公十餘年所羽
便爲賦二首

秦舍我明府同宗侯玉溪過從留酌



舍我復以佳章見遺因用韻荅謝
蜀葵六月殘却

夏日池亭宴集奉餞孫後山會文之
承天別駕卽席賦贈

初夏邀宗侯崑石憲文直齋豐源承
泉集園亭賞花二首

抵里間劉文原屈斗垣二年丈誕孫
喜而賦贈

玉溪宗侯生孫喜賦

宗侯崑石邀飲郊外園亭賞花見懶
檯頭婆娑爲賦留題壁間

懷憲丈郡侯豐源偶賦因書箠頭校



贈

懷辛小峪鄉丈偶賦因書筵頭投贈
秦舍我以余領郡鄭陽辱惠大作步

韻呈謝

志川宗侯以累刻蓮房鮮藕見惠且
索近作賦此呈謝

王秉字公祖自河中世家叅伯吾省
甚喜其來爲賦一律書筵頭投贈
未伏連雨

初秋草堂奉候臬長熊眉字叅伯王
明字觀察余從吾三公祖卜夜盡
權卽席賦此



中秋廿五日戒行謁上官于重陽前
一日至武陵署中漫賦

重陽同續寅丈遊月山寺漫賦

杪秋之新鄉署中用太史何公韻

馬元戎邀飲城外園亭卽席賦謝

歸家途中口占寄謝諸寅丈二首

府中諸公祖邀飲慈恩寺時雁塔重

新用滿明府韻留題

劉文原年丈春夜集諸同好不肖因

得傾蓋玉峰荆谷兩宗侯賦呈

文原年丈春夜集祝華松別駕屈斗

垣年丈玉峰志川荆谷三王孫不



宵緣雨雪先歸賦此呈謝

再叠前韻

屈年兄有作用韻和荅

春日諸朋府出郊隨屈斗垣年丈飲
劉氏園亭卽日宗侯玉溪又招飲
朱邸遊覽畫輿而歸因占一律

用前體再味

庄居喜雨而承臬憲丈復祈蘭邀飲

因成一律

夏日獨坐

初夏得雨喜而賦之

咎鳴字年丈暮春有順慶寄問扣余



玄旨答謝

趙乾所年丈蒙詒家居公論惜馬矧
余久習其人尤爲指冠因賦一律
慰之

馬龍河年丈邀飲不至詩以趣之
輓秦含我

都門候補

被論

桂彈章客邸偶賦

伏枕三首

戒行先二日

春日戒行之河陽偶賦



卽事二首

園亭獨坐

五月庄樓晚值風
雷雨電有作

午日偶吟

六月園亭看蓮偶
賦二律

新園摘椹見山鳥悲鳴

秋初苦雨

亭前對雨

冬日癸坐

殘冬雨雪又霽
悵然賦此二首

晚春喜雨二首

晚倚庄樓眺望



咎鳴宇年丈至省送公子入試且違
別多年又喜其來坐臥病不能往
拜悵而賦此錄似鄧政

六月池亭觀蓮漫味二首

五月有事南畝偶賦

初夏苦旱屢禱不雨向太白山取水

來却連宵滯淫以是感賦

人日東馮薦吾明府劉文原屈斗垣
年丈賦此索和

梁平泉明府夜值風雨喜賦呈謝時
三月初七日也

擬登華山二首



夏日樓居納涼

端陽前一日庄居

蚊鳴集目錄終

蚊鳴集

關中梁隆吉勝之著

○七言律

平水別張五鹿寅丈

湖海遨遊愧此生量移今得問歸程漫
勞斗酒逡巡酌記取新詩次第賡可柰



蘭金知鮑叔何時雞黍共張卿相看只
有相尋夢去住人間摠世情

園亭見梨榴結實喜而賦之

獨坐園亭發嘯歌參差幾樹影婆娑梨
緣果盛壓枝重榴攄花遲結子多抱甕
呼童從小徑編籬防礙護新柯年來公
事只如此忽漫逢高歲月過

庄樓對南山有作

萬仞青山入望來翠屏日日對樓臺天
留卷石塵寰隔日抱孤峰氣色開古木
多年埋虎豹靈湫片晌起風雷逸名合
訪神仙侶一任桑田幾劫灰

除夕感賦



流光荏苒歲將除
半百行藏感慨餘
容鬢邇來羞覽鏡
歲年只合乞懸車
休論節序常如舊
摠道襟懷不似初
縱酒呼盧非所好
窓前只看老農書

量移詣代州謁謝兩臺留題署中

雙瞻法座向遐隈
旌旆搖搖賦壯遊
霜落鴈門含殺氣
天連石嶺豁吟眸
到來關塞三年隔
夢想風烟一日收
摠謂材官饒蚤計
那堪戎馬使人愁

忻口滹沱河

匹馬衝宵此地過
渺明汨汨漾清波
北來忻口經三晉
東折滹沱落九河
秋老



寒潭流自細原深活水派還多經臨忽
動歸田興欲製漁翁溪上袞

五月庄樓苦熱

炎天五月火雲升信是高樓不可登日
近虛簷偏覺厲風傳酷熱故相凌偶緣
怯暑頻移榻祇爲銷魂強曲肱安得傾
盆十日雨忽然襟袂若爲澄

燈夕懷抱鬱鬱感而賦此

去年茲夕正開筵何事今宵獨不燃火
樹水晶空燦爛香車寶馬自留連興關
酒故不成醉愁劇情偏解蚤眠非是逢
辰忘節序邇來俗慮橫相牽



午日運城同司理張五鹿觀野狐泉

分得公字

客邸端陽忽又逢
登臨選勝集名公
盃傾倒映狐泉綠
花艷平鋪草閣紅
巖海半輪邀夜月
霞天滿座動薰風
留連莫訝歸來晚
十日平原興未窮

段青岩公祖督學關中賦贈公與余

爲同年友

時余在制中

使者春深擁傳來
清時共羨領群材
聲名赫燁三湘滿
衡鑑崢嶸二華開
湖海驅車從宦路
風雲躍馬憶燕臺
幾年散漫今相見
揮涕能無一把盃



別司理張五鹿寅丈幾二年所耿耿
不能去懷緣羽便爲賦一律寄訊
野人晦跡臥山林魂夢嘗懸別後心湖
海聯鑣吟筆壯池亭移席酒盃深懷人
天畔音書斷嗟老郊扉歲月侵推轂今
來銜知遇風塵矯首獨沾襟

黃節吾鄉丈出守平陽爲賦二律贈
之

高材領郡倍輝光只尺關門接晉疆濟
美由來稱石奮雍熙誰不羨堯唐天留
姑射芙蓉出郡帶汾流匹練長摠是風
煙堪臥治可因出守薄淮陽



金章熊軾並嵒嶭况是唐虞古帝城近
日署郎多美譽少年綰綬有時名極知
雨露隨車盖可有雲山迎旆旌我亦舊
遊逢知己懷人隔歲正含情

自温峪洞暮抵曹村偶值風雨大作

憇宿

山徑崎嶇薄暮迴那堪狂颺更相催片
雲忽傍簷帷起萬水遙從樹杪來愁急
壑聲喧枕簟夜深魂夢落莓苔衣冠羈
我終何補不俟羊腸念已灰

秦左相高受渠舉子賦贈

喜事傳來慰所期幾年不枉夢熊罷鶯



花歲事懸弧日詩禮家聲跨竈時桂長
庭前權自足珠擎掌上老便宜九嶷蠹
蠹賢豪地荀氏八龍未是遲

馮少墟侍御以詩箋見遺用韻和荅
逸名只合隱山隈欲賦淵明歸去來道
跡甘從麋鹿伴忘機猶恐鷺鷥猜奔馳
湖海憐萍梗寂寞巖扉任草萊歲月欺
人頭白盡不知襟抱向誰開

馮少墟鄉丈携知已同登華山青柯
坪還因賦二律投贈

爲訪名山此共遊攀躋應到最高頭曾
傳玉女盆今在見說仙人掌可求陟磴



緣岷身未老探竒選勝眼全收極知意
態飛揚甚吟遍諸峰彩筆留

三峰高矗白雲間何事多年尚未攀愧
我羈遲猶世網羨君擺脫出塵寰譚玄
說劍應聯榻採藥尋仙可買山道德五
千今須續佇看紫氣滿函關

聞道偶吟

道術因循竟若何只緣老悖自蹉跎苦
心徒覓曹溪路逐物空隨逝水波悞我
功名原是幻欺人歲月故如梭幾時着
得王喬鳥來逞雲中發浩歌

議稅詣太原信宿城隅書舍值風雨



有作

書屋棲遲萬事幽
瀟瀟風雨迥添愁
曾無白社開涓滴
賴有青山豁遠眸
坐久涼颺侵戶牖
夜深殘月挂城頭
并州北極原相近
不有簷花宛是秋

其二

客邊落日散晴暉
坐對晚風心意違
無柰池魚還箇箇
偏嫌社燕故飛飛
乾坤不改山河舊
日月高懸時事非
便欲乞身學范蠡
貼危終不到漁磯

梁平泉鄉丈壽登六旬春正月十日
乃其誕辰爲賦一律書之箴頭校



贈

拂袖歸來鬢已皤幾年林下養天和
寅回十日春方王甲轉六旬壽欲多
定許朱顏生羽翰未應華髮老漁蓑
交驩况有金蘭伴把酒能無一放歌

五月中樓漫賦

穡事勞勞五月中看雲獨自向虛空
占年全藉連霄雨憂旱偏號半夜風
媚眼野禾猶勃勃喚愁園草故芃芃
向來雷電來西北帳指城南有斷虹

初夏秦舍我明府玉溪宗侯枉過留
酌賦此呈政



上客連翩過草堂偶緣初夏暫飛觴
白雲綠醞曾何負細雨微風並不妨
已向深交來酒伴兼從同調晤詩狂
相逢莫漫催車馬醉裡譚玄亦自長

秦含我明府有作見遺用韻和荅

一問歸程離晉陽
萱堂乍見喜相將
宦情鷄肋終須棄
世路羊腸不可當
幾載功名憐泡影
多年容鬢感星霜
衰殘只合隨蓮社
敢望覃恩有露章

亭畔牡丹盛開

牡丹幾朵試新粧
淺白嬌紅雜淡黃
媚眼艷容原國色
襲人馥氣自天香
對花

把酒神偏王邀客題詩喜欲狂
祗恐夜風來妬爾慙慙無計護芬芳

再味牡丹

牡丹艷艷老來看厭說花飛一片殘
誰許東風遲院落那堪急雨到關干
不妨花下頻携酒一任畦邊倒着冠
有意惜

花留不得繁華過眼祗長嘆

秦含我鄉丈以詩箋見遣依韻和荅
羨君拂袖臥林泉彩筆縱橫有歲年
偶藉壺觴譚舊好漫勞書札贈新篇
高才自是青雲侶秀句應將白雪傳
倘謂詞場吾鼎足不妨詩酒數留連



季夏田承泉窓丈招飲郊外園亭時
值風雨而菡萏出水樹果番番可
愛因卽席賦贈

尊酒盤餐意不踈
登樓吟望興偏餘
傍簷碩果斜斜墜
出水芳蓮宛宛舒
酷暑雨馭清座漏
輕涼風送愜襟裾
狂歌痛

飲惟今日誰道交情不似初

承泉窓丈以花果見惠賦此呈謝

載酒名園興已賒
傳來種種更堪誇
勻圓不讓瑤池果
爛熳真同上苑花
愧我蓬蒿終野老
羨君雲水自仙家
編籬築塢今隣近
嘗藉餘芬遺歲華



袁六休年丈主考關中邀飲夜過譚

玄時值風雨卽席賦贈

吹飄黃鶴到山林忽漫相逢愜素襟
風雨朝來秋氣爽旌旄夜駐酒盃深
榆枿報國豪中事把臂譚玄物外心
啼鳥相求情無限况逢知己是南金

聞袁六休年丈信宿天池垂便欲之

南山覽勝因賦一律投贈

羨君信宿向禪扉結駟留連歸路遲
身近諸天緣自淨山當初地景偏奇
譚禪說劍應聯榻覓紙揮毫可賦詩
聞道終南欲乘興尋仙聊與白雲期



素六休年丈竣事旋里便道浴温泉
登華頂有作見遺因用韻和荅

一別金蘭帶去蹤芙蓉山下白雲重
溫泉抱斜斜徑華頂天連面面峰
江上秋風遲獨鶴客中宵雨憶雙龍
可憐悞我還寇冕願乞懸車學老農

庄樓瞰蒿里柏株茂盛感而賦此

翠柏亭亭護夜臺多年爲爾費栽培
短堦枝拂虬龍動新塚恩霑彩鳳來
祗讓柳蒲爭蚤發儘教霜雪橫相催
庄樓墳墓今隣近分付奚童剪草萊

庄樓味社燕



飛飛燕子催詩思高掠微虫去復回
見一雙翻院落不知若箇繞樓臺無端
慣向狂風舞何事偏衝細雨來偶爾呢
喃梁上語忘機久矣莫相猜

仲夏庄樓聞遠村鶯聲漫賦

小樓初上午風清深樹黃鸝忽一聲近

墅憑闌麥穗遍遠村隔嶺嶂巒明情隨
市井詩將麋興到園林句又成老去襟
懷何所似將因光景了餘生

陳公子鍾峨枉過留酌用韻和荅

忽漫相逢一駐驂詩名直令萬人傳
卽看麟角終成貴更許仙姿可煉丹
荏苒



風塵原是幻逡巡
盃酒豈無緣多君意
氣闌青眼昏夜相譚半句玄

其二

拂袖歸來一葉輕
肯教雙眼識燕京
休論貢禹彈冠慶
且學長沮并耦耕
乞取新詩記留翰
墨敢云瓦缶比韶韻
應憐穰

穰風塵者誰信吾兼吏隱名

陳公子鍾峨再枉過留酌卽席賦贈
翩翩公子枉吾廬
把臂交歡傾蓋初
說劍譚玄應卜夜
寄梅折柳可傳書
驚人秀句題工部
名世文章策仲舒
簪珮聯應不問平原十日定何如



余別舊寅長孫憶劬公十餘年所羽
便爲賦寄訊

蒲坂逢君意若何風塵軒騎嘆蹉跎劍
南襟抱還無賴薊北聲華不啻過旌指
江城三峽動龍飛帝里五雲多從來楚
地官先起一字能無問薜蘿

其二

風塵借爾問興居無那緜袍感慨餘幾
載交情雙鯉斷百年別緒一緘初金蘭
遇我情元重玉案按君報已踈摠謂名
都虛道路逢辰還欲借吹嗟

秦舍我明府同宗侯玉溪過從留酌



含我復以佳章見遺因用韻荅謝
薄宦深慙萬石榮相過二妙盡豪英
久存白社懸孤榻暫借青鱗洗巨觥
况是雲携微雨至更緣風送小軒清
傳來雅調應須和瓦缶洪鍾敢並鳴

蜀葵六月殘卸

亭前小院幾花殘淡蘂疎枝暫借看
潦倒應須籬竹護婆娑似乞主翁憐
好隨艷麗教春住正惜衰遲耐夏難
物態人情俱如此愁懷對爾懶憑闌

夏日池亭宴集奉餞孫後山會丈之
承天別駕卽席賦贈



當年桃李數時髦宦路寒幃興轉豪縮
綬曾飛王子馬駟車今佩呂虔刀氣氳
佳氣江城滿赫燁才名山斗高超拜看
君應計日可能還憶舊綈袍

初夏邀宗侯岷石憲丈直齋豐源承
泉集園亭賞花二首

山前池沼坐邊花粧點分明仙子家已
向花間索笑語更於山上傾流霞懷高
一任夕陽墜興劇安知歸路賒就此留
連堪結社不須方外覓丹砂

夏初春去已飛花臺榭依然帝子家坐
久山巒移晚照夜深池畔落殘霞情同



膠漆原非淺興藉園林亦自賒便欲出
塵聊翫世不妨朝市煉丹砂

抵里聞劉文原屈斗垣二年交誕孫

喜而賦贈

省親今日返家園喜事新傳到兩門豚
犬嗟予未抱子箕裘羨爾已貽孫卽看

蘭桂連除滿况是衣冠家世存星聚不
須憐華髮慶筵只合倒金尊

玉溪宗侯生孫喜賦

羨君有子復生孫福德應知家世存派
接天潢流自遠株連宮樹葉偏繁喜多
笑倚蒼龍劍權劇狂傾白玉尊華髮憐



予衰老甚不知襟抱向誰論

宗侯岷石邀飲郊外園亭賞花見懶
檯頭婆娑爲賦留題壁間

天容雙眼且沉浮跨馬行春亦壯遊
祗爲芳菲開笑口何緣潦倒懶檯頭
席間盃學應須轉門外轄車未許按
歲月欺

人頭白盡英雄猶自拂吳鉤

懷窻丈郡侯楊豐源偶賦因書篋頭

投贈

拂袖歸來十載餘崢嶸晚景果誰如
卽看膝下懸簪佩未許篋中間謗書
花鳥閑情同侶伴農桑野事任居諸
諸憐予蚤



歲分螢照今入衰遲夢寐虛

懷辛小峪鄉丈偶賦因書是頭後贈
聚星猶得問寒溫兩世通家道義存前
輩江湖依玉樹故人鷄黍倒金尊墮珠
老去疑無子落魄今來尚有孫鳧鶴短
長堪自遣百年興廢不須論

秦舍我以余領郡鄖陽辱惠大作步

韻呈謝

廿載遊從渭水濱那堪覽鏡二毛新戀
親愛日難之楚抱病懷鄉尚在秦老去
葛巾隨白社愁來芳草自青春衣冠殢
我終何補欲向山中覓隱淪



志川宗侯以墨刻蓮房鮮藕見惠且

索近作賦此呈謝

幽寂連朝臥草堂忽傳翰貺藉輝光披
襟散帙龍蛇動烹藕餐蓮齒頰香豈有
瓊瑤驚鸞眼只同瓦礫檢枯腸相看鼎
足原同調報我能無字八行

王象宇公祖自河中世家參伯吾省

甚喜其來爲賦一律書呈頭校贈

除書只尺望雲霓到日清風滿袖携騎
省聲華留薊北薇垣衡鑑又闕西門連
自比于公盛勛業仍看大父齊一歲九
遷何足問山人只醉白銅鞮



未伏連雨

連朝風雨散炎蒸無那輕涼襟袂澄淅
瀝慣聽簷溜響滯滯徒見閣雲層靜
連攤卷神偏王箕坐吟詩興可乘笑我
生平只苦熱猶愁雨後復相仍

初秋草堂奉候臬長熊眉宇泰伯王

明宇觀察余律吾三公祖卜夜畫

懽卽席賦此

上客連翩清讌開逢迎今喜對三台初
秋爽氣來連戶深夜星光近酒盃媿我
鷗冠猶散吏多君驄馬自仙才攀留欲
效平原飲可柰銅龍向晚催



中秋廿五日飛行謁上官于重陽前

一日至武陵署中漫賦

節序初驚戀歲華風塵薄宦滯天涯散
愁欲泛三秋菊冒險虛乘八月槎楊子
臨岐空有淚王尊叱馭正堪誇合當吹
帽開雙眼把酒高臺卽孟嘉

重陽同續寅丈遊月山寺漫賦

高閣峻嶒挿太虛重陽登眺興偏餘迎
風黃葉時時墜夾道新枝故故舒藍水
休論千載後龍山猶似十年初留連今
日須拚醉況是交驩食有魚

杪秋之新鄉署中用太史何公韻



秋老平林木葉黃敢將心事對行裝
河流泛漲將崩坼野水奔騰可渡航
感急誰能憐葑屋拊安空自愧冠裳
只今編戶窮愁日愁日愁隨道路長

馬元戎邀飲城外園亭卽席賦謝

忽漫相逢慰識韓何期盃酌罄交
惟關山風雨秋將暮蕭鼓園亭夜已闌
客子襟懷曾不惡將軍禮數自能寬
年來斷酒因多病興劇無妨倒着冠

歸家途中口占寄謝諸寅丈二首

離筵初散向西歸馬首衝寒願未違
君自雄飛垂竹帛我寧豹隱坐漁磯
斑斕



終信老萊是解組誰云陶令非直以邇
來朋舊好分携不覺淚沾衣

垂老萱堂未忍分薄田負郭可耕耘黃
金已縮腰間綬白社將尋物外群案牘
幾年羞俗吏法華一卷散塵氛棕鞵桐
帽惟吾樂世上風波不與聞

府中諸公祖邀飲慈恩寺時雁塔重

新用蒲明府韻留題

雁塔峻嶒幾歲年唐朝盛蹟照瑤編側
身疑在雲霄上極目如臨嶽麓前絕頂
還看留日影曲江不復漾風連攀躋不
盡今來慨且醉重陽玳瑁筵



鳴鶴集

劉文原年丈春夜集祝華松別駕屈
斗垣年丈玉峰志川荆谷三王孫
不肖緣雨雪先歸賦此呈謝

綺筵此夜共芳尊促膝譚玄道義存爭
席未能同野老聚星今得識王孫虛疑
火樹仍呼酒秣怯瑤花蚤到門會待來
年消息好不妨日日醉名園

再疊前韻

逢辰張飲倒金尊白社相看誼久存下
榻何人堪孺子曳裾詫我晤王孫蟬聯
原是鳴珂里星聚知非羅雀門侵酒雪
花寒無力諸君應不負名園



劉文原年丈春夜集諸同好不肖因
得傾蓋玉峰荆谷兩宗侯賦呈

春初高會集豪英不數山陰棹雪行已
自交中洽孟顛兼從望外得東平譚天
說偈綈袍意倒履張燈雞黍情摠道良
辰難輕擲那堪歸路聽雞聲

屈年兄有作用韻和荅

勝友何來共此宵主賓繾綣燈頻挑興
隨彩筆原來劇春挾瓊筵分外嬌坐久
風偏侵戶響夜深雪故傍簷飄相看俱
是高陽葦爛醉何辭酒滿瓢

春日諸明府出郊隨屈斗垣年丈飲



劉氏園亭卽日宗侯玉溪又招飲
朱邸遊覽盡興而歸因占一律

總到名園花已開
青天綠野足徘徊
乾坤容我堪舒嘯
歲月凌人但把盃
況是星文隨處聚
可教車馬忽相催
情高雞黍終須赴
散步何妨盡日迴

用前體再味

年來慵懶出郊少
此日追隨興未窮
移席班荆情自洽
搖盃聯句眼偏空
正誇芳卉茲庄有
何事名花幾處同
惟極歸來還有約
夜深潦倒任西東

庄居喜雨而承泉窻丈復折蘭邀飲



因成一律

看雨憑欄喜不勝，輕涼樓上散炎蒸。
疏畦澆井謀方急，把酒吟詩興可乘。
正惜加餐如逆旅，忽逢邀飲得良朋。
庄居隣近情非淺，抵掌當年可記曾。

夏日獨坐

庄樓孤坐遠，置器紛遁跡。甘從麋鹿群，社燕狎人飛。
漸近黃鸝驚，夢轉偏聞散。愁移榻，瞻青障，習懶開窓看。
白雲吟罷晚來聊，獨酌老夫日日帶微醺。

初夏得雨喜而賦之

田家望雨初霑足，喜見郊原麥穗鋪。從



此困倉添積聚向來朋舊可招呼
惟將棋局邀隣父醉愛謳吟共野夫
况是邇來徵取急可寧豐稔不爲娛

咎鳴宇年丈暮春自順慶寄問扣余

玄旨荅謝

美人春暮寄雙魚幾載睽違對面餘已

接音徽猶夢寐爲珍詞翰倍瓊瑤生涯
獨有吟詩筆公事只尋種樹書冲舉虛
疑長羽翼近來白髮更愁予

趙乾所年丈蒙垢家居公論惜馬矧

余久習其人尤爲指冠因賦一律

慰之



放逐歸來臥草廬美人懷抱近何如憂
時賈誼宜垂淚去國虞卿且著書烏雀
人情從冷煖農桑事業有耕鋤青蠅白
壁休相訝詩酒留連待 詔除

馬龍河年交邀飲不至詩以趣之

美人違別已多年世講今稱鄉里賢乍

見一尊猶說夢相逢半夜謾譚玄雨驅
酷暑離亭榭風送輕涼到客筵摠謂南
州能下榻蚤時亦辦阮家錢

輓秦含我

仙才逸行摠超群客歲凌空慘暮雲自
是郎官還列宿未應泉壤待修文可憐



此集
秣苑蘭金並無那詞場龍劍分偶向小
齋披舊稿泫然不覺淚繽紛

都門候補

都門留滯竟如何忽漫春光客裡過路
入西山鶯轉少天臨北極燕來多年華
在苒催容鬢筋力衰遲憶薜蘿安得渾

身生羽翰一飛園圃發長歌

破論

人情反復總堪悲顯晦何須嘆數竒抱
病馬卿心獨苦歸田陶令計還遲園多
花木堪留客伴有金蘭可賦詩富貴浮
雲從所好買山更與浪仙期



挂彈章客邸偶賦

半百行藏嘆陸沉
高山流水亦知音
忽思奔走迎官日
正愜帷床抱病心
貝錦由來稱巷伯
殺人曾得誣曾參
可憐獨坐香烟靜
客邸聊爲梁父吟

伏枕

虛疑決瀉黃河險
誰道人間行路難
咫尺關門只八日
須臾硜石下千盤
行邊花柳迎車蓋
客裡旌旗拂嶂巒
藥裹關心隨所遣
絃中流水不須彈

其二

青春之子問歸程
慘澹浮雲結駟行
河



北無緣留宦踏關西空自有詩名直從
孟邑窺池漁便向嶠函望雍城此日園
林花正發好隨朋舊續鷗盟

其三

之子何來帶一方偶傳邸報喜偏狂旋
教廝役收行李漫捲詩書下洛陽白髮
憐予空道路青春伴我好還鄉極知此
去無多事剩有諸經閱幾行

戒行先二日

領郡忽然半載餘挂冠脂轄戒行初澹
穿畦徑聊爲圃點檢晴窓且著書羅雀
不嫌門戶冷懸魚應信利名疎可憐世



上勞勞者曾識南山亦結廬

春日飛行之河陽偶賦

匹馬瀟瀟復渡河尚堪老倦此經過羊
腸仕路知交少虎市人情感慨多春日
繁華那對眼衰年病肺轉增疴圖麟壯
志今已矣且向園中發嘯歌

卽事

萬事今來都盡休肯將芥蒂挂心頭從
來天地如廬舍今古英雄盡土丘野服
應知冠是鷓鴣豐無謝玉爲甌絕裾却
笑千年事須做人間第一流

其二



飄然車騎向南行身世浮名一羽輕郭
外薄田堪種秫樓前新柳正啼鶯子瞻
昔日稱奇士阮籍當年號步兵昂足憐
予亦落魄何人道有少微星

園亭獨坐

園亭茂草日堪鋤花卉雖稀儘有餘
斲但能汲井綆蕙蘭應自滿連除一枝
開放因留客數朵栽培可決渠水竹今
來從懶性種瓜猶欲傍吾廬

五月庄樓晚值風雨雷電有作

晚凭小檻向虛空數點霏微簷外聲狂
颺將雷喧復息斷雲含雨暗還明恰隨



殘照收田事旋促雕鞍叱馭行飛蓋飄
飄才只尺踈鍾已報過金城

午日偶吟

高樓獨坐漫嗟吁終日昏昏一腐儒
筐篋傳來餘角黍壺觴携到少菖蒲
閣看雲物出嵒岫懶駕軒車向路途
長夏吟詩聊自遣更調莫息事踟躕

六月園亭看蓮偶賦二律

輿行無事自逶迤纔到吟詩日影移
水動光搖翻翠蓋風含葦亂顛新枝
狎人山鳥飛還近隔葉鳴彈聽已遲
可道山人無劇興不妨邀客醉金卮

園門常閉鎖烟霞箕坐吟詩到日斜
正



喜池中多結子可云亭畔只開花新枝
嫩葉還相映綠樹青山盡可誇况是城
隅園自近暇時嘗得翫芳葩

新園摘椹見山鳥悲鳴

亭前幾樹椹偏紅彷彿名花夾路生恰
命奚童才折取何來山鳥故悲鳴久巢

故主應能認乍見新人却自驚非是小
禽偏着意向來真假未分明

秋初苦雨

何事陰雲苦不開角巾寂寂強徘徊雨
多壤滑愁車馬風靜連閒只酒盃薪桂
米珠嗟蒨屋山腰池畔長莓苔可憐處



處催刀尺卒歲荷裳可自裁

亭前對雨

風雨瀟瀟苦滯淫
比來望歲老農心
休論滑壤愁難度
見說秋禾怯太陰
佩劍瞻雲聊暫拔
呼童覓繻一長吟
補天煉石千年事
何處寒衣急暮砧

冬日獨坐

虛簷箕坐念頭清
白拈長鬚轉自驚
婚嫁只今愧尚子
歸休何日附淵明
乾坤容我詩堪咏
寒煖隨人酒漫傾
道得定乘緱嶺鶴
肯從人世論枯榮

殘冬雨雪又霽悵然賦此



黃昏喜見六花飛
詰旦堦墀又復微
况是夏禾兩歲歉
可堪瑞雪一冬稀
資身但守農桑拙
謀食焉知溫飽非
不爲山陰欲乘興
將因豐稔臥林扉

其二

冬殘忽訝雪飛來
寒氣侵人欲把盃
一色平鋪迷小徑
六花亂墜壓疎梅
乘船空抱王猷興
授簡慙無司馬才
愁聽晚鐘還獨臥
柴門日出不曾開

晚春喜雨二首

去年秋雨傷禾稼
何事今春雨却稀
忽喜簷前浙瀝響
猶愁野外濡沾微
縱橫



但看風雷起叱咤還期雷電飛不是老
夫偏望歲適來時事故相違

半夜隔窓聽雨聲梅枝疎葉響分明祈
求報謝精誠極霑灑連綿禾稼成從此
困蔽須盡滿向來郊墅可無驚憐余久
抱林泉興欲籍豐年過此生

晚倚庄樓眺望

落日孤庄望眼空曲欄倚遍興無窮鳴
鳩喚雨蔽深樹社燕銜虫趁晚風古塔
峻嶒來梵宇蒼巒峯嶺淨簾櫳麥田况
復饒生計痛飲何妨學醉翁

咎鳴宇年丈至省送公子入試且違



別多年又喜其來坐臥病不能往
拜悵而賦此錄似郢政

抱病遲遲已二年交知消息更茫然有
形似我眞爲幻無恙疑人却是僂幾載
金蘭南國夢數回書札宦途篇邇來定
有懷人句莫惜新詩爲我傳

六月池亭觀蓮漫味

老去今來只愛蓮蓮花若爲主翁鮮半
開無力迎風擺未綻含香籍目懸無數
綠房睜宇宙幾多翠蓋擁嬋娟卽防多
取雖多事護爾還應池畔眠

其二



小院晴臨碧水池
炎天六月看花時
凌雲翠色亭亭起
出水孤標孛孛奇
久籍風吹舒嫩葉
偶緣雨潤長新枝
芳華合共高人賞
此日無妨一賦詩

五月有事南畝偶賦

野事勞勞一月忙
喜看麥豆漸登場
漫

添小園聊藏蓋
旋釀新醅待奉觴
碁局不妨尋野老
園林吾自有村庄
澄心更向窓前坐
道德諸經看幾行

初夏苦旱屢禱不雨
向太白山取水
來却連宵滂淫以是感賦

祈禱名山向水神
簷聲環滑正愁人
綠



致四集

苔青草偏生砌野店山橋苦問津風雨
今來空滿眼睥眦何事動經旬陰晴明
日終難定感應靈湫恐未真

人日東馮薦吾明府劉文原屈斗垣
年丈賦此索和

斗轉俄添四座春况逢人日戀芳辰懷

高不用投車輅興劇還應渡葛巾雞黍
久存閑索笑金蘭俱洽漫譚論歲時移
換無須問徵逐何妨會面頻

梁平泉明府夜集值風雨喜賦呈謝
時三月初七日也

向晚雲飛障碧空簷前聲響有無中喜



來爭看全爲雨愁劇翻疑半是風沾灑
不辭衣袂濕蓋嚴但願歲年豐野禾從
此應迴態只恐來朝有斷缸

擬登華山二首

幾年夢想山頭景今日登臨果大觀紫
氣氤氳千樹迥蒼巖突兀萬峰寒捫蘿
但覺天門近到頂方知雲路寬一罨晴
空吟筆健還容白眼醉相看

狂夫久辦登山屐乘興追隨整避喧
聒不辭雌磴滑攀躋猶得薜蘿捫青天
半礙仙人掌白雪常留玉女盆便欲此
身生羽翰飛臨絕巘叩天關



致

夏日樓居納涼

樓迎曙色影斜侵爽氣朝來愜素襟
雨歇雲開層障出天空烟斂夏林深
散愁倚檻頻搔首遣興揮毫且漫吟
倏暖倏涼無足論百年光景有晴陰


端陽前一日庄居

五月庄居苦晝長野人情況近荒涼
愁緣服制壺觴廢心逐衰年節序忘
公事但瞻晴障碧生涯只看暮雲蒼
可憐懷抱今來惡不似當年李白狂



致鳴集終

致鳴集終



2025 RELEASE UNDER E.O. 14176 NATIONAL CENTRAL LIBRARY, TAIPEAN, R.O.C.



2025/05/08 NATIONAL CENTRAL LIBRARY, TAIWAN, R.O.C



2025 RELEASE UNDER E.O. 14176



玄冲語錄

智

夫世之在言者必真有聖哲之
言而始為格言萬論必于道

245-65 4



RECEIVED NATIONAL CENTRAL LIBRARY, TAIWAN, R.O.C.



語錄引

夫世之立言者必真有聖賢之
品而始為格言篤論以比于立
德立功以豎不朽之業也亦不
必以有真之士而始侈口張膽



語錄子
為可訕之言以塗天下之耳目
為也乃亦有其言如是而其人
則否者君子直取其言而不當
復論其人何如余之為斯錄殆
亦類是乎蓋不任奔馳仕路輟

輟侶終在耳目循隨意到書片
紙識之自覃懷桂議拉里以來
抱病杜門無所事於是始以
身心之所體驗合以夙昔之所
見聞或鑒於往事或得于感觸



或參酌前言之未盡或潤色已見之獨得積以月日勒以成錄此豈敢曰躬行君子而以之博名高哉要以淺說緒論或有裨于園門閭巷之間而為採葛藟

者所取耳若罪我而謂不佞好事以附于有德有言之林則又過矣

萬曆歲在戊午孟春上浣


中南山人玄冲梁隆吉識



語錄

關中梁隆言勝之著

孝者人之所以生也人能孝則胸次盎
然和順事體酬酢不差非以要福而神
明呵護非以要譽而人心服悅自然增
禧添筭子孫延長蓋生理完始得名爲



人而其生不罔苟非然者則鬼神譴責
衆口沸騰精神耗散事皆掣肘心已死
矣其能生乎縱倖生而不卽死亦人面
彊行者耳可數爲人邪

人若養得此心生意盎然通是一團惻
隱不忍的意思卽遇奴隸下人有可憐

可惡的情節便只委曲體亮遇殘疾可
矜可憐之人便有安頓保全他的念頭
卽如昆蟲草木之微更有不肯傷他的
心腸若從目前近處漸漸涵養擴充將
去久之自有一體萬物包括六合的氣
象



文壇詩錄
士人洗滌心術當爲行已第一件吃緊
的功夫然須從念頭起處着手方能不
差故機械變詐之巧徃徃得目前小利
而要之最壞心術願計中而怨叢惡積
而天厭速而眼前遲而身後鮮有能逃
者故諺有之曰機深禍亦深旨哉

人情厭貧慕富惡賤欲貴不知貧賤人
之常富貴怨之府故士人一墮行檢無
論當貧賤時汚人齒頰總富貴了終須
大敗卽不然亦定在子孫看徃古來今
俱是如此真是令人可畏

鄉官若不管子錢不爲請託此念頭便



好然亦是本等事未可便以此自多蓋
此只是自守一節行已有耻的條款若
私居暗念未免爭毫末尺寸未免着人
下眼相視此便是不若人不長進

君子爲善惟日孳孳小人爲利亦惟日
孳孳爲利卽是爲惡利心一動內不恤

已之身外不恤人之苦竭智殫謀不遺
餘力久之神人俱憤禍不旋踵每見積
惡之家破產亡身受殃獨慘卽本身倖
免而亦殃及子孫未有一人免者可畏
哉爲善雖非畏此然而畏亦是善

乘人之危者不仁利人之有者不義忘



亥坤詩錄
人之德者不祥宿人之怨者不廣是故
君子不操戈下石而必扶危持傾不欺
孤兒寡婦而畏天地神明寧結草銜環
而不爲闢弓反射寧釋怨解忿而耻爲
任俠刺客

日與善人君子居是故睹其動作則心
入於規矩準繩聆其議論則心向於道
德禮義薰蒸漸染久而俱化譬如入芝
蘭之室而自然馨香如在俎豆之列而
自然敬畏蓋心是神物本來原善向于
善則善便是君子路上人矣
凡人有當忍有所不當忍如視好色如

鳩毒而忍於室欲以噴怒爲斧斤而忍
於懲忿以奸惡爲寇讐而忍於剪鋤事
有所當需毋務欲速勢有所宜緩必須
忍耐此所謂惟忍乃有濟含容以成德
也存天地好生之心恢萬物一體之量
恤人饑寒愍人疾苦卽一勺之水一莖

之菜一粒之粟寧減已之用佐人之急
凡可置力輒着意爲之不少吝惜必如
是乃爲全此本來良心而心始不悞

惟聖人立無過之地其次寡過又其次
改過改過始於自訟聖人且猶以爲未
見則過之貴於改明矣無過如聖人而



文淵閣書
恒憂不善不能改且羨寡過未能之語
雖其撝謙之度大抵聖人之言自是如
此自以爲是者每諱過而飾非如鄉愿
之徒之類仲尼以爲德之賊何哉正謂
其工於文過而無可非刺耳故仲由喜
聞過令名無窮焉嗚呼其賢矣

事明主則其言宜剴而直是故有地天
交泰之象不然則其言宜曲而婉是故
有納約自牖之義主聖則臣直故忠臣
不危而其道行如皋陶稷契之輩是也
主昏則臣辱故直臣必殆而其道否如
箕子比干之儔是也議事之言要顯而



盡不如是則其說不曉暢而難行論道
之言要正而核不如是則其道不信服
而難久履承平之世其言要剴而直不
如是則其道不尊而負時值患難之日
其言要曲而中不如是則其身不保而

賈禎

君子與君子相與聲氣應求而立功易
小人與小人相比則臭味投合而奸黨
成一君子當衆小人則其勢孤而君子
當退一小人當衆君子則其計密而君
子當防

君子與小人相角君子不能勝小人而



往往往以言語取禍正人與邪佞同事則
邪佞反得濟正人而每每入其術中
君子難進而易退是故一麾卽飄然而
去略無芥蒂係戀之意小人易進而難
退是故根深蔓多如百足之虫雖死不
僵去而復來有援引招呼之私

人有剛惡有柔惡剛惡之人心術詭譎
詞氣粗俚事爲乖方其凌轢嚴厲之氣
令人辟易而不可近柔惡之人脅肩諂
笑躡蹟詭秘心險貌厚其依違脂韋之
態令人深入而不覺兩者皆譏願剛惡
之人猶有一段激烈陽明之意其人猶



可挽而之正柔惡之人習爲軟美之語
又自爲得計牢固而不可破如鄉愿少
正卯之流終不可入堯舜之道而聖人
尤痛絕之嗚呼輓近剛惡者托之手做
儻慷慨柔惡者托之平和光諧俗而世
道可知矣

使拙朴之僕則勞於願指易於約束而
鮮蔽主作奸之事用垂覺之使則主享
其逸事底其績一年之內猶彌縫而不
至敗露久之羽毛旣成根蒂深固有尾
大不掉之患其究也惡極而主悞反戈
而內向留之不可去之不能有喪氣對



泣之事尤有不可言者故精明之主不可不蚤見而預辨之也

畜臣妾之道總不越莊蒞慈畜兩端而所謂慈以畜之者又不過察其饑寒恤其勞苦理其疾病而止此何足難而惟所謂莊以蒞之者亦多端矣得無曰正

衣冠尊瞻視耶得無曰嚴體統肅名分耶得無曰別嫌疑慎起居耶曰是不可缺而尤要於慎獨暗室屋漏之中神明監臨之地此而能慎則人心服而功罪明卽行督責斥逐之事有悔罪而不忍怨者噫此其故可知矣

置美女於暗室而凜乎君十目之視盼
遺金於通衢而猶然如一介之微若是
者止貞介之士耳假如昏夜夢寐之中
神昏杳忽之際而不免淫盜之萌茲其
養尚未定而心尚未真猶在思勉矜持
之境未得躋真人大士之列必通晝夜

渾鬼鬼而如一乃穢至人哉

太上忘怨其次不宿怨又其次報怨蓋
至報怨之風倡而干戈相向爭奪日滋
而大亂作夫讐非不共戴天卽睚眦之
忿戶婚田土之爭俱小小者耳而安足
芥蒂必如孟氏三反之說禽獸妄人之

語然後可而何怨之修

積萬卷於子孫未必子孫能讀積千金
於子孫未必子孫能守不如積陰德於
冥冥之中以爲子孫長久之計斯言也
初讀之則以爲可細玩之則猶未盡善
何以明其然蓋陰德非分外之事原是

吾心本來善念若一涉妄想則不免覬
覷之私卽爲善亦粗惟只是吾行吾陰
德爲生人當然本業爲世間不朽好事
其子孫後來興敗景象都置而不論故
太上忘善至於忘則計較得失之萌斷
而人品斯卓然高矣



有一念之善便已別於小人存萬念之善未敢認爲君子有一念之惡便已異於君子存萬念之惡豈但止爲小人爲善本易而今人固難爲惡不難而今人猶易蓋十年勉強爲善而去聖賢尤遠一日縱肆爲惡其爲小人甚易可弗慎

歟

天下有稔惡之小人而亦有改節之君子天下有作僞之君子而亦有詐善之小人故正大光明者爲君子而險傾邪媚者爲小人任勞任怨者爲君子而偷安畏事者爲小人諍諍敢言者爲君子



而嘿嘿取容者爲小人見幾明決急流
勇退者爲君子而難退易進苟祿希寵
者爲小人介然廉靜者爲君子而醒齷
汶汶者爲小人如此之類不一而足觀
人者宜辨之蚤已

兒孫自有兒孫福莫與兒孫作馬牛斯

言當活看而不可執一論何以言之天
下之財止有此數不在彼則在此人之
祿命從來有限不在人則在天若越理
營求分外酷刻此就是牛馬必殃及兒
孫如課田收租之類俱順理公道行去
曾不作利己損人之事此亦是貽兒孫



安處而何牛馬之有

饒人是福喫虧非禍福與禍常相尋饒
人一着便心上快活有許多樂處越饒
越快活越樂久之胸中春堂和氣益滿
有和風甘雨的景象詎不是福饒人處
便從喫虧來惟喫虧而不較漸漸養得

胸中條暢有景星慶雲的模樣而多福
隨之心安卽是福此豈是禍若只屑屑
然與人爭長競短數黑論黃則靈臺中
受了許多纏繞此成甚人品

事惟直截明白者則不難迎刃而解若
恍惚疑似者則又當設法而處如將然



未然之間可信可疑之介若有若無之際初疑之則或在此繼按之則又在彼有無彼此之境未得堅決驟已之則我難輕捨酷求之則人遭苦楚抑胡以處刑書曰罪疑惟輕又曰與其殺不辜寧失不經蓋罪疑從重則傷天地之和是

以從輕余亦曰事疑則宜從寬耳寬縱奸邪漏網亦孽自彼作我之心泰然舒暢矣

世上疑心竅不可有一有疑障則必受疑之害故君疑臣則遭誅父疑子則必疎夫疑妻則妻危主疑僕則僕殆不直



此也一事疑則一事不成衆事疑則衆事瓦解疑左則右動疑前則後駭疑在上則下搖疑於下則上孤是故去疑莫如斷斷生於明惟明乃斷惟斷乃成

前輩謂開卷有益此語良是蓋開卷有三善焉賢人君子嘉言善行可爲法程一善也凶人險壬邪說詭行可爲前車二善也閱古今得失之由察國家治亂之跡可以長益知識三善也至於辨字解義之所得又其小小者耳

凡物之成敗去留皆有定數偶值其成卽欲敗之而不能偶值其留卽欲去之



而亦不能至敗且去亦然當其成而留也吾無矜誇心當其敗而去也吾無憤懣心直順受之而已假若于成且留之時而生一欣羨心于去且敗之時而生一計較心是物大而我小也有道者定不然故仲尼之絕四其至矣

強如我者我當存不忮心不如我者我當存不驕心不忮不驕可與守矣

貧而無諂富而無驕兩者固難就兩者較之則無驕尤難何者窮視其所守士當窮時而有守窮之志便可傲王侯輕軒冕而飄然於名利之外焉往而不自



得卽終身可矣故世不乏志節之士則
無諂似爲難中之易若殷富之家食膏
梁而衣絹帛所謂素封也卽貴而不富
彼猶白眼視之何有於貧窘之人卽不
驕於詞色猶然傲於動作歛之而愈彰
收之而愈放其循禮自抑者見亦罕矣


故必深於盈虛乘除之理者方可與此
吁其難矣

天下事無論大小皆有頭緒譬如理絲
者得其頭緒則自不亂夫事到眼前雖
造次急遽勢甚忙迫我母務以粗心處
之須寬緩斟酌寧遲一着方寸始得不



亂而事始得不差此所謂如之何如之
何也天下事都從忙中錯了事忙而心
不忙自然不錯





2025/08/05 NATIONAL CENTRAL LIBRARY, TAIWAN, R.O.C.



梁氏家乘

信

是命

河知

文恭公贈奉政大夫山西平陽府

301016 05



家乘目錄

恩命

父梁公贈奉政大夫山西平陽府

同知

誥

母鄭氏封太宜人



誥

任山西平陽府同知授階奉政大

夫

誥

妻賀氏贈宜人

誥

行狀

先父母行狀

中順大夫河南懷慶府知府玄冲

梁公行狀

墓志

先大父擴述



贈奉政大夫梁公暨配太宜人合

墓志銘

亡妻賀氏壙述

中順大夫河南懷慶府知府玄坤

梁公墓志銘

附刻

恩命

奉

天承運

皇帝制曰朕聞樹穀者獲樹德者昌閭閻績行之士弗克顯融竟齋志沒而食報身後者其天定也爾梁棟乃山

西平陽府同知隆吉之父篤行善人
清修雅士迹名鴻隱志不染乎風塵
抱德鶉居譽獨高於月旦雖無祿以
蚤世幸有子以能官睠茲佑啓之功
寧斬追旌之寵是用覃恩贈爾爲奉
政大夫山西平陽府同知賁若斧其
猶生祗如綸之有赫

制曰夫葳玉山輝含珠澤媚孰謂閭
行不外見哉况鞮鞮攻苦勗子成名
婦德母儀可無綸褒以示勸也爾鄭
氏乃山西平陽府同知梁隆吉之母
玉質天成冰心日暎柏舟傷往歌黃



鴻於丁年荻畫誨孤督青編於丙夜
功徵二郡教本三遷祿養方終壽祺
未艾是用封爾爲太宜人爰膺紫誥
之華益爛斑衣之色

制誥

萬曆三十四年九月二十日

之寶

奉

天承運

皇帝制曰今天下郡置守貳以替宣德
化惠保元元厥任亦綦重矣矧臨汾
襟山帶河爲三晉要地匪藉俊采助
勳安得勲庸懋著哉爾山西平陽府



梁氏家乘
同知梁隆吉純秉直道潔守長材一
射策于楓宸兩烹鮮于花縣左遷蒲
坂諳練旣深載倅瑯邪聲華彌著肆
膺簡命晉佐專城而爾益礪官箴愈
敦素悃縱橫學裕寓尊俎于折衝經
濟材高庇人民以安堵千里口碑載

道三年薦牘交揚是用覃恩授爾階
奉政大夫古之郡相所至樹德與二
千石齊名龔黃卓魯寧有異術要在
居民阜去民思耳爾旣以績效著尚
未肩一心務所爲阜民者朕且顯陟
汝欽哉



初任四川重慶府永川縣知縣

二任本省敘州府富順縣知縣

三任山西平陽府蒲州判官

四任山東青州府通判

五任
今職

制曰子大夫儼然冠進賢歲蕤青綬

貴矣乃夙所御窮之配不獲借顯榮
焉匪藉愍綸曷紆幽惻爾山西平陽
府同知梁隆吉妻賀氏動履端莊性
資婉順周旋色養甘毳先意以承歡
砥礪歲修膏火相莊而勸讀夫方展
采爾已去帷蕙問長馨芝綸宜賁是

用贈爾爲宜人未貽泉壤之光庶慰
糟糠之勤

制誥

萬曆三十四年九月二十日
之寶

先父母行狀

先世緣宗譜失傳所從來淵源倫派
久遠其詳蓋靡得而鏡云惟不肖從
大父江湖公譚說近世支系先故籍
蒲城重泉里隸京兆爲沃壤邑今尤
稱文獻藪名公巨卿徃徃而是墳墓



田宅在馬先是曾祖隱德公以歲祲
蒲城饑甚因橐千金携眷屬子姓之
省中卜居籍長安縣今稱長安人云
曾祖諱會生大父江湖公諱舟江湖
公生今

贈奉政大夫父諱棟以子材字行江湖

公元配祖母王氏善誕女繼誕父眎
爲男大父動色喜曰若而成立萬事
足矣先大夫生卽聰慧豐華電目舉
止莊重不類庸穉子七八歲輒能屬
對比長就外傳則尤爲塾師所器曰
無亦科目中人而振梁氏家聲者必



若也無何大父江湖公坐客遊席不
暇煖時王祖母又先背繼祖母李與
俱事巨細俱煩先大夫擘畫累不得
卒業勉而從江湖公服賈江湖公操
竒贏逐什一之利遨遊八區躡平河
上堂歷嵩高洛燕薊淮泗之墟經青兗

海道覽雲門蓬萊島嶼之勝其躡蹠
三湘八澤與時低昂尤爲遊之最著
估客掉不泊江則泊湖侍僮五六輩
纍纍望之若神仙中人豈若今之號
江湖客者齷齪奴顏眦主人鼻息欣
悲猶得施施詫妻孥間耶先大夫從



數年來橋梓翩翩兩劍裝迭爲出入
江湖公得免內顧憂因解願喜曰若
而張吾閭閻者吾無憂矣江湖公旣
老且病歸而棲遲田畝不復出先大
夫亦俸遊眷戀膝下不忍之外相倚
懼甚江湖公以估客終身服餼雖尚

朴雅乃食不喜脫粟若貴公子大夫
奉朝饗必以杭卽踊貴若珠不以歲
歉解每食必肉皇皇從外手携肉至
恐遲盤餐竭屨若是急江湖公願缺
缺曰柰何以手携卽不食復之市得
肉更盛以筠籠始食其委曲承惟諸



多類此值繼祖母李頗嚴大夫奉養
備至外內無間言而李亦視若已出
比昔養祭奠俱如禮以孝聞江湖公
有義子桂者常人或不以兄弟數而
怡怡若同胞雁行絕無町畦市道時
又安得長厚君斯里閤尤嘖嘖以此

服生平喜施予至爲藥餌蓆藁周人
之急不厭厚予薄收順施橫報曾不
芥蒂胸中是爲難耳母太宜人鄭氏
爲處士鄭公讚女幼婉嫕寡頤笑安
詳且女工精絕稱女士江湖公聞其
賢遂委禽伉儷余父旣于歸善事耄



翁繼姑俱得惟心處妯娌間益如不
露圭角人不知爲義兄妻而謙讓過
之同胞兄文明公病癱垂二禩延綿
太宜人以簪珥佐之朝夕遺筐楹垂
屬纊不怠其友篤如此值家道中艱
以勤儉佐余父不至顛躓生數男子

皆不育旣娠夢緋衣張黃蓋者至其
家覺且驚語父曰倘懸弧須貴當善
育之乃分娩一乳雙生長卽不肖願
復劬勞萬狀比長從師督誨不遺餘
力旣領鄉書猶親螢聯榻與俱夜分
不寐而不肖得博一第獲叨升斗祿



從大夫之後咸以母氏力生平不見
忿戾急遽色不譚浮屠齋呪事但曰
佛在心頭心平卽是安得蒲伏禮拜
爲卽所稱善知識不過如此晚年喜
施予單竭不難解衣推食予之豈天
性然耶太宜人稱未亡人四十餘禩

冰心蘄節凜若一日恨不得藉觀風
者疏

朝表閭以煨煨藹藹卬眉目而施來禩
猶不能無遺憾焉先大夫初度于正
德十二年丁丑十一月十一日捐舍
于萬曆元年癸酉七月二十一日享



壽六泰先太宜人婺曜于嘉靖三年
癸未正月初九日棄簪珥于萬曆三
十五年丁未四月十一日享壽八泰
有五生男二長不肖登萬曆壬辰科
進士歷官湖廣鄖陽府知府娶處士
賀公萬良女次同胞弟元吉娶處士

謝公朝恩女女一適掾史樊公鑑弟
三子未慶散官孫男二師孟習舉子
業娶叅政盧公鑑女元吉出宿孟蚤
殤孫女一桂姐未聘近殤俱不肖出
嗟嗟余先世隱德公年饑携諸猶子
錦連輩之省重骨肉有伯道風江湖



公莫夜卻毆子姓以斃者數十金安
得長者畏四知若是孝友矯節可以
風施予周急孳孳不及陰德不輸于
氏如先君子而母以從一皤白之操
能頡頏古之貞婦烈女俱能迓後社
而僅僅食報若斯無亦天道無定拘

千百祀而後其門祚盛衰匪夷所思
也耶詞愧不文杖淚列其狀如此



中順大夫河南懷慶府知府玄冲梁
公行狀

辛酉夏玄冲梁公之孤師孟衰而泣
曰於乎先君子將葬矣病革自爲述
未終而畧曰生平行誼有知者能發
云先君子恒言每心折先生蓋意屬



先生也惟先生知先君子幸著爲狀
初公捐館諸薦紳臨者問主祀虛無
人司賓徐王兩明經對曰公之族獨
師孟一人師孟者公故同胞弟元吉
之子所素鍾愛也曰然則公宗子耶
以繼禰承祖乎其繼之宗以承祖及

曾非師孟邪於宗法宜立師孟立公
之祀乃弗虛而本生猶得立孫將繩
繩未艾也於是梁宗之議兩明經
及諸內外人皆曰宜遂告於几筵而
立之故今師孟主饋奠拊恤家口經
營窳窳事而稱於人曰孤議之日余



猥從諸大夫後且與公同官於晉同
徜徉於田里久不得以弗知辭按公
上世蒲城人至隱德公會始攜家籍
我長安生江湖公舟舟生棟爲公考
以公貴

贈奉政大夫山西平陽府同知母鄭封

太宜人生公諱隆吉字勝之號玄冲
姿貌英異隆準方口目炯炯若巖下
電五六歲舉止若成人能誦千家詩
江湖公或觴客命之誦輒琅琅不休
以故益憐愛之俾習句讀於塾師徐
先生受易於文庵楊先生卽解行文



繪氏家乘
以儒士應省試補長安庠生丙子領
解額屢上春官不得志益發憤工古
文詞守寒素耻干謁人鄉人某某故
負公家廼若馬弗能償聞且鬻女也
公遂兩焚其券壬辰登進士授四川
永川令調繁富順值兩鄉紳構乙未

桂拾遺降調顧戀慈闈久不出後因
太宜人命始赴部判山西之蒲州稍
遷山東青州府通判曰吾可以還報
母矣使使繳憑而鄉年同人張懷白
方司部務固不肯公不得已之任既
乃晉山西平陽府同知三年差刷鹽



引於南京乙巳夏四月抵家冬十一月賀宜人卒丙午夏六月復任陞湖廣鄖陽府知府秋九月奉

恩誥贈封父母及配賀悉如制遂馳歸省母鄭太宜人也見母老不忍旦夕離遇誕辰開筵上壽甚懽又逾年丁

未夏四月而鄭太宜人又卒致哀致物皆長安貴富家所未嘗有仍以殯婦賀從就墓側築園以居而孝可知也公既起家念舊廬三楹曰是吾先王父靈魂所憑依地改爲祠祀主其中置義田若干畝以贍親友之不能



婚不能葬者糶若干具以給喪不能
儉者幼見貧人糶升斗於市居積家
利價湧貴而牙僧復乘急務爲剋削
心甚憫焉比歲暮盡出所得地租麥
誠師孟與貧人市務加於常糶之數
以寬貧者至麥秋始罷其德於鄉人

不可爲不厚太宜人服雖除猶栖栖
祠堂者三四年補河南之懷慶未幾
郡大水拮据中濕坐病得罪巡方吏
會又有他飛語中之桂白簡公欣然
反轡覃懷人送者絡繹數里非其去
遣之思不至此卽公自述謂志節磴



經不能依違脂韋於人世故仕路淹
蹇人情落落如是喜談玄談詩乃獨
知念頭常自警省未敢得罪於天地
至於周急施予弗吝雖公自道哉而
謝塵鞅之輻輳挾善源於始初其生
平抑亦可以槩見矣公有語錄有覆

甌有蚊鳴諸稿師孟方彙梓以行它
細行皆人耳目所習聞見不著著其
顯者如此公生嘉靖三十年辛亥十
一月初九日卒萬曆四十七年己未
二月二十八日壽六十有九配賀氏
贈宜人先卒公爲之志子曰賓孟曰



昌哥側室席氏出俱先殤今卽師孟
禮部儒士娶盧氏四川大叅璞齋公
鑑女女二曰桂姐側室李氏出及笄
殤曰清姐張氏出許字河南嵩縣令
贈奉政大夫太泉田公仲子文學承
泉公實好子圻孫女一滿姐許字王
孝廉如山公紹熙子錫朋師孟出今
師孟將以天啓 年 月 日奉
公樞葬吉村贈公之次啓賀宜人之
竈合當世名公采而賜之鼎銘令千
載後知玄冲公爲人倘亦史遷所云
附青雲而益顯也與哉



梁氏家類
奉政大夫山西太原府同知通家友

弟長安劉養性頓首拜狀

先大父壙述

先大夫暨先太宜人已藉年家貴顯者闡發之矣願先大父母謝世時值家道中衰又不肖方孱弱不勝衣門祚衰冷安得寄藉聖賢一闡幽微令可傳述祇有慨嘆今將啓先大夫棺



槲合壙吉村新塋欲遷先大父母主
祖其中共處一域含笑地下似不可
無述者謹杖淚述之曾祖隱德公會
生大父諱舟隱德公捐舍時聞大父
才七八歲曾祖母穆誕大父撫遺孤
劬勞萬狀稍長就外傳外傳器之幾

年所愈進益謂拾芥青紫獨柰何坐
穆龍鍾幾耄以是奪不克卒業因就
帕絹行逐什一試之行年廿餘才且
老遂謀之外于時辛李兩家號陶朱
富于貲冒大父才器予之二千金遨
遊江湖間幾四十年大父頎然偉貌

舉止莊嚴不踰尺寸服不御段紗夏
綵葛冬秋春油敦布綿紬雅素類儒
者性不喜飲不隣聲妓厭脫粟獨嗜
魚約七十餘種記冊中尤及見之嘆
曰安得稱名種種若斯邪善楷書談
棋吟詩士大夫咸見禮遇足蹟不入

公門垂老臥閭里不飾垣屋不治莊
產頽然舊居稍稍葺理取蔽風雨所
餘千金日探囊市糗鬻肉終其天年
且曰積金遺子孫未必能守積書遺
子孫未必能讀不若積陰德冥冥中
爲子孫長久計題之壁以自警族人



有爲人毆之至斃者莫夜兇手持三十餘金來央免大父正色斥曰丈夫饒汝死饒卽饒爾柰何以阿堵污我速携去明日可持棺來裝殮里人尤以此服謂伯起却金不過如此晚年病手足不仁自爲藥餌調攝旋愈柱

杖里門容益粹益蓋大父稍稍談玄頗睹其效有司聞其賢欲榮以冠服固謝不受且嘆且語不肖曰丈夫不以詩書起家露冕而以此詫田舍翁耶元配祖母王暨繼祖母董俱先大父辭世不及見余不肖猶能記繼祖



母李蓋不肖從大父臥榻而李尤鍾
愛云迄今余思慕李反愈王大母亦
人情耶王大母善誕女繼誕余父而
董與李俱無出原同壙今亦得併遷
云嗟嗟痛哉大父隱于賈而曾不設
一機械壞其生平居嘗談說依孝弟

忠信禮義廉耻八字而輒近儇薄子
尤厭見之神明可對衾枕不愧余不
肖竊慕其爲人謂爲三代遺直乃今
不少槩見何哉今江湖間猶傳汝楫
梁公汝楫固大父字而謂汝楫有孫
竄名薦紳間俱嘖嘖動色若謂天道



有知大父食好德之報然耶不耶大
父謹疾慎起居曾不見有噉唾呻吟
之聲困頓憔悴之狀乃一日執不肖
手握之甚固且以口咬不肖臂腕若
不能朝夕忽出永訣語余不肖倉皇
失措不解所謂而竟以當夕終余哭

之哽咽至二日不食蓋余昕夕同大
父飲食出入只今念之猶歔歔泫然
泣下肝腸俱裂也嗟嗟痛哉距生弘
治元年戊申十一月初七日卒隆慶
二年戊辰正月十三日享壽八泰有
二而王與董李生卒年月皆無所考



失傳不敢強爲之述至里籍昭穆存
遺俱見先大夫先太宜人志中不復
及

不肖孫壬辰進士時轉湖廣鄖陽
府知府梁隆吉銜哀述識

明誥贈奉政大夫梁公暨元配太宜人
鄭氏合葬墓誌銘

賜同進士出身中憲大夫分守關西道
陝西按察使司副使兼布政使司右
叅議年家晚生李從心撰文

賜同進士出身大中大夫撫治商洛道



陝西布政使司右叅政年家晚生熊
應占篆蓋

通家晚生朱敬鑑書丹

公諱棟字子材以子貴贈奉政大夫
今得稱贈君配鄭氏以公歿後封太
宜人云其先蒲城人也世有潛德弗

耀曾祖隱德公會因蒲城饑黨背携
子姓徙家長安居焉高祖某生會會
生江湖公舟舟生贈君贈君生而穎
異豐準電目舉止不類凡兒七八歲
輒能屬對句稍長就外傅塾師甚竒
之謂當大就願性至孝依依江湖公

滕下未嘗頃刻離左右而江湖公好
遊隱于賈之四方以適其志每促裝
贈君必蹠而請曰大人行遊萬里外
柰何以孤劔往江湖公憐而許之遂
輟所學以從江湖公性醇謹不飲不
適聲妓而願吟咏善書所至輒與賢

士大夫探竒覽勝賦詩談棋或竟夕
或至夜分贈君必篝燈以待歸而啓
門未嘗不整衣以迎江湖公喜施予
遇有貧輒施之脫外出而貧窶至贈
君如江湖公濟之比歸以告江湖公
喜曰兒適吾意他日張吾闕必兒也



江湖公既老且倦遊棲遲田畝間贈君亦休戀不復之外矣江湖公每食不喜脫粟必以稊卽踊貴若珠贈君必供每食必肉贈君不委之僮僕偶以手從外携來江湖公顧缺缺曰柰何若是急卽不食復入市得肉更盛

以筠籠始食江湖公有義子桂甚鍾愛馬贈君亦凡事之如同胞怡怡恭順絕無町畦其委曲承權順志多類此繼母李性甚嚴贈君事之能得其懽心泊與江湖公相繼謝世其哭踊衣衾棺祿俱如禮鄉里嘖嘖稱其孝



至其周人之急恤人之喪爲藥餌席
藁及棺槨乞者填門終其身不少易
曰此吾先君志也鄉人尤以此多之
亡何一夕未疾而卒時萬曆元年癸
酉七月二十一日也距生正德十二
年丁丑十一月十一日享壽六十而

太宜人則年方五十歲耳值家道中
艱拮据勤儉得不顯蹶至婉孌寡言
笑尤得淑媛貞靜之風女工精絕稱
女師焉性至孝其事翁江湖公及繼
姑李如贈君其待義兄妻盎然溫讓
猶親妯娌然亦如贈君之待義兄桂

若不知爲義兄之妻也者時太守公
方弱冠從師督誨不遺餘力既領鄉
書猶親螢至夜分不寐一切束修及
賓客往來酬應之需必給必豐卒賴
其力成進士官西蜀齊晉間一板輿
迎養則遽還曰兒能其官吾無憂矣

卽古孟陶之母何過焉雖好施無間
戚屬隣里而性不喜佛曰佛在心頭
心平卽佛施予是吾家世德事豈以
佞佛爲彼施財捨身僕僕禮拜悖耳
其達又如此一日疾革謂太守公曰
吾可見爾父于地下矣遂卒生嘉靖



二年癸未正月初九日卒萬曆三十
五年丁未四月十一日享年八十有
五吁壽矣生男子二長隆吉登萬曆
二十年翁正春進士歷官湖廣鄖陽
府知府娶處士賀公萬良女贈宜人
次元吉與太守公同乳生先卒娶處

士謝公朝恩女女一適散官樊永慶
孫男二師孟習舉業娶叅政盧公鎰
女元吉出賓孟殤孫女一桂姐近殤
隆吉出以萬曆三十七年十一月十
三日將葬于新阡吉村之塋太守公
與心同年進者也又同官平河因徒



既至隴來請銘夫古之言孝者多矣
而獨稱曾參豈非以其養志耶贈君
早歲卽從江湖公行遊天下蹟其生
平行事無一不當江湖公意旨者脫
不以依親廢業浸以詩書陶以禮樂
曾閔之徒未能或之先也親兄弟尚

有爭財產至聽牝鷄之鳴不分異則
閔墻當贈君處義兄之際太宜人恭
順周旋爲多倘如世婦伎僕以奴隸
畜之贈君欲視義兄如兄視義嫂如
嫂不達江湖公之意也能乎至以孀
婦而振中衰之業發科第之祥成贈



君之志則立孤之義丈夫之槩也是
可爲世之爲夫婦者法矣宜乎育有
賢胤爲世聞人金紫相輝聲施烜赫
未艾也嗟嗟心知太守公因稔知贈
君與太宜人微心誰爲之銘者銘曰
夫孝婦貞閭井垂齊芳並美鴻光夷

揚輝迅耀金紫兒慶洽澤衍重累纍
億萬斯年靈妥怡銘在茲

不肖男隆吉泣血上石



亡妻賀氏壙述

宜人賀氏者余糟糠妻也先是氏父
處士賀公與余父

贈大夫尊人稱莫逆交當氏才四歲時
乃翁常携之酒肆中先大夫見而欲
聘之遂謀之契友張君大智以通公



乃許焉已而復于酒肆中酣飲割衣
襟爲左驗云時余少氏一歲許後音
問不通者竟十餘年所若有若無而
赤繩已繫足矣嗣後余以儒士應試
不第籍名邑庠爲博士弟子員氏翁
稍嘖嘖喜趣之娶遂得委禽于歸歸

以簪珥佐余績學操井曰瀚濯辛苦
備嘗毫無忿愠色比余丙子領鄉書
服食稍給而氏猶勤儉罔懈不至稱
貸氏之力爲多願以數竒連絀禮闈
不第坎壈數十年而氏仍以進取期
余卽螢火夜分與俱不倦而余得壬



卷六 門人 家乘
辰博一第附翁青陽榜中氏之力又多先是氏連生兩女皆不育而妾席氏庚寅年舉子賓孟喜甚氏撫之不異已出最溺愛焉居無何余以第銓授蜀之未川戒途兒以乳哺不時病癖藥餌罔效竟殤于任氏以此朝夕

哭泣致脾胃失調漸有病色矣既從蜀墨議抵里而氏以先太宜人垂老不任道路坐冢婦不宜遠離卽以補陞之蒲之齊皆不隨獨同兩妾事養太宜人家中督理巨細不墜是爲難耳乃以衣食恣所好美溽暑席地灑



水乘涼受濕熱之毒，尋肢體臃腫，腹脹不能飲食。幾一年所臥牀，尋間呻吟而余方以青州藉差過家，瞻叩太宜人，遶闈既入室，見氏容顏，匪羸氣息奄奄，則大驚曰：安得若斯甚耶？氏且泣且語，余亦哽咽久之。亟延醫鍼

攝不效，竟就木以沒。嗟悲哉！方氏之歸余也，余葦門寒儒耳，一旦廁名科第，獲竊升斗，循秩量移，腰章綸紵，得從大夫之後，所冀

恩典上貽兩尊人次，且施及伉儷庶幾愉快，亦人情耳。詎謂同貧賤，不厭藜



藿乃以二豎尋侵念子催傷不得終
天年享後社生不覩冠帔之榮賚恨
以卒後死者何以爲情耶嗟嗟痛哉
氏生于嘉靖二十九年庚戌卒于萬
曆三十三年乙巳十一月十五日年
僅五十有七耳婺星忽殞蘭馥偶萎

生死異路幽明未隔令人感傷摧悼
念來不已昔有譚子平星數者僉謂
余與氏舉案偕老期願未艾而猶謂
余先氏捐舍殆將竒中而氏竟爾爾
豈理數難言而人生脩短非術士所
能盡耶豈氏近以侈靡滑性暴殄太



過乘除減筭理或然耶謹撮其槩至
性質孝養舅姑常譚不具述

昔

萬曆三十七年歲己酉十一月戊寅
哀夫壬辰進士見轉湖廣鄖陽府
知府梁隆吉述次

梁宗議

萬曆己未三月初五日

湖廣岳州府同知斗垣屈拱北
直隸真定府晉州武強縣知縣敬吾王希文
山東平度州知州薦吾馮惟賢
雲南尋甸府知府鳴岡張鳳翼



直隸灤州知州平泉梁九賦
河南裕州知州行初黃道見
山西太原府同知邵田劉養性
直隸河間府景州知州泗濱許東周
河南道監察御史少墟馮從吾
四川重慶府綦江縣知縣易軒孫紹禹

南京戶部福建清吏司員外郎肖洲王堯年
北京戶部湖廣清吏司員外郎質軒李采
議曰聞之禮不可絕者大宗家不可
虛者主祀匪惟書香藉之可傳陟貴
精神托以弗死也今

已故原任河南懷慶府知府玄冲梁公

人鍾秀氣生際昌辰並孕玉璞獨挺
金莖

大廷射策錦水鳴琴游登師帥暫臥泉
林蒼生望起二豎來侵梁木之歌其
壞熊夢之祥未真曾子之簣遽易扈
伯之育無人雖自脫于天地之委琬

將奚慰乎祖考之幽魂慟伯道無兒
長逝兮所幸綏之尚在念安石內舉
不避兮亦惟玄也爲親如姪師孟云
係宗祊在玄冲旣爲承祖在師孟則
宜承曾至若厥父之後又待師孟所
生庶幾孫子勿替雲仍揆之大禮允



祭文

正質之輿論可憑

祭文

維

萬曆四十七年歲次己未三月甲申
朔越十九日壬寅不肖男師孟謹以
剛鬣柔毛庶羞之儀敢昭告於

顯考河南懷慶府知府府君之靈曰惟



靈科弟闡家人文鳴世雅化蜀封綏
和懷濟析圭檐爵規朔洪備福祿駢
臻尚艱厥嗣唯伯與父同根並蒂伯
軼父榮父先伯逝獨孤相依脉聯情
至卽伯是父卽姪是子本以宗祧毛
裡一視泰山梁木胡遽隕瘁計狀稱

伯猶遵世系縉紳先達僉曰重祭承
祭繼宗起禮以義輿論晤合是曰公
議奉伯爲父律書罔異旣焚旣告勿
敢荒墜宗盟不紊閭範惟茲衰斬三
年罔極不置父其瞑目九原爲慰茲
值三七聊申兒意父語我毋洋洋在



位音容冥香俯伏悲涕仰冀慈靈保
家昌裔嗚呼尚

饗

維

萬曆四十八年歲次庚申二月巳酉
朔越二十八日丙子不肖男師孟謹

以剛鬣柔毛庶羞清酌之儀敢昭告
於

明中順大夫河南懷慶府知府府君之
靈曰於赫顯考升遐丹丘居諸云邁
倏爾歲周手澤口澤燕翼孫謀念茲
在茲罔極難疇緬思原上弟蚤兄終



切慟跼步遺孤幼冲賴考子愛用啓
贖聾且誨且勞顧復何窮爰逮今朝
方媿棘薪風木荼苦壘耻是鄰敢曰
深固夏葉靈根波瀾不起古井誓存
門楣幾肅式穀兢兢音容誠杳肉骨
關情藉茅承祭伏地告虔一腔淚血

畢灑樞前謹奉賀母宜人配焉格之
佑之家乘永綿尚

饗

維

天啓元年歲次辛酉二月癸卯朔越
二十八日庚午不肖男師孟謹以剛



鬣柔毛庶羞清酌之儀敢昭告於

明中順大夫河南懷慶府知府府君之
靈曰原夫我考生兮對南宮矣帥彼
名邦世贈

封矣立言不朽遺文彰矣吁嗟俎兮日
之夜矣白雲飛盡迷親舍矣風木摧

摧泪交下矣空目旻天安所駕矣薄
言永思夢言笑兮獨立過庭敬奉教
兮覺而穎泚有聲如噫矣比有人焉
恩且董矣嘿牖其行肺噬解矣束矢
得金輿情快矣吁嗟考兮作之美矣
猷念子兮言在耳矣古井無瀾壺之



理矣四十猶感景行止矣芝蘭入室
遠棘枳矣悲勅終身矢無墜我祖禰
矣今茲期邁大祥冠裳翼翼薦爵進
羞同几配食父兮母兮渺不可卽觸
地長號傷哉孔盡嗚呼尚

饗

維

天啓四年歲次甲子二月乙酉朔越
二十八日壬子不肖男師孟謹以剛
鬣柔毛庶羞清酌之儀敢昭告於

明顯考中順大夫河南懷慶府知府府
君之靈曰於戲顯哉考也辭榮見肯



五春秋矣親莫親於父子苦莫苦於
死生音容誠杳風木倍恫凜凜秋霜
長豨梧楨輝輝月夕涕泪闌干思我
顯考蚤年登第弱冠宦游泰山北斗
偉望特尊鼎鼐鈞衡赫聲茂著致位
黃堂抽身綠野累心都化坦志常堅

惟是詩駕唐文軼漢膏繼晷韋絕編
太乙青藜之杖夔龍稷卨之猷法鑑
人心主盟世道忽雲馭以仙遊憫遺
孤之孚室或倚葶稱訟幸利見大人
倏忽兩祥歲月幾更再值頭瘍草土
陰伏是以安厝之遲遲益深在疚之



滄葦今也外侮旣平中壺亦肅佳城
遂成毋封宜啓不孝孟將奉考極而
合塋焉預卜是期陳牲布祭灑酒告
虔謹奉

誥贈宜人我賀妣配慟幽明之永隔感
提抱之矜全念亢宗而垂燕嘆罔極

而踰天眼雙淚萬心寸愁千兀自缺
望舊

封新封倘徵緣而並錫先世後世將托
庇以重光考如有赫必以夙所愛信
者鑒茲薄祭佑茲厚祉也嗚呼痛哉

尚





饗

卷之八

2025 RELEASE UNDER THE PRESIDENT JOHN F. KENNEDY LIBRARY ACT



ASSEMBLED NATIONAL CENTRAL LIBRARY, TAMAN B.O.C.

